

徐氏醫學十六種

16



Chinese

Vol XVI

16

舌鑑總論

舌白總論

舌乃心苗。心屬火。其色赤。心居肺內。肺屬金。其色白。舌故當舌地淡紅。舌胎微白。而紅必紅潤。內充白必胎微不厚。或畧厚有花。然皆乾濕得中。不滑不燥。斯為無病之舌。乃火藏金內之象也。一經傷寒。白胎必滑。傷溫傷熱。紅光必外露矣。是以凡治傷寒。苟能盡解其所傷之邪。而不脫其胎本來之白。此善能使邪正分局。元津元氣無傷焉。其溫病熱病之舌。亦必使紅色漸斂。漸淡。白胎漸有漸生。此邪熱始得外越。而元陰日漸內充也。當知紅乃藏氣所蘊所發。白為津液所布所結耳。夫傷寒邪犯皮毛。舌上先有白沫。繼則白涎。白滑。再後則白屑。白砂。甚則白泡。白疳。有舌中舌大舌根之不同。見寒邪入裡之淺深微甚。即元氣之厚薄。邪熱之輕重。從此可測矣。蓋舌固心之苗。心屬南方火。其色本當赤。今反見白胎滑甚者。是火不制金。乃水來尅火之象。故稱大病其寒鬱皮膚。毛竅不得疎通。陽氣不得外發。故惡寒發熱。在太陽時頭痛身疼。項背強。腰脊痛。至陽明經則有白屑滿舌。證雖煩躁。脉如浮緊。猶當汗之。條少陽者。白滑不滑。小柴胡湯和之。胃虛白胎滑甚者。理中湯加桂枝托之。邊白中黃。大柴胡小承氣分輕重下之。白胎亦有死症者。即水來尅火之賊邪也。其溫病熱病。實由火燠。金傷。元陰告匱。劇症藏氣安危。皆關驗舌虛實寒熱之機。一一分別圖論於左。

舌黃總論

黃胎者。裡證也。傷寒初病無此邪。條少陽亦無此舌。直至陽明府實。胃中火盛。或邪遏胃虛。土氣洋溢。均能見此。有微黃不滑。有深黃胎尚滑甚。則乾黃焦黃也。種種不同。當分輕重治之。夫微黃不滑者。火初入胃。宜清解。梔子豉湯主之。深黃胎尚滑者。乃邪鬱胃虛。熱迫於胃。而土氣洋溢也。宜汗解。葛根解肌湯乾

黃邪雖外解火實內熾宜白虎湯焦黃土燥火炎陰液告竭宜急下調胃承氣湯若濕熱發黃則目黃如金身黃如橘茵陳蒿湯分利之至蓄血發黃在上焦犀角地黃湯中焦桃仁承氣湯下焦代抵當湯然必大熱不解大渴飲水或漱水不欲嚥及便秘譫語痞結自利方可議清議汗議下若胃虛黃色外溢又當補中而佐以和解大抵舌黃證雖重劇脈長是中氣有權為可治如黃中見黑脈急弦細為水土無氣必不可治矣

舌黑總論

傷寒五七日舌見黑胎者最為危候邪熱在表無此如一二日間獨見黑舌此心腎之氣敗絕於內藏之真色外見於舌黑獨見而赤不見者水能滅火為必死也若白胎上漸漸中心黑者是傷寒邪熱傳裡之候紅舌上漸漸有黑心者乃濕熱疫癘傳變壞症將至也蓋舌色本赤今反見黑者是水來尅火水極似火火過炭黑之理然有純黑有黑暈有芒刺不脛辦更有辦底紅辦底黑之不同大抵火黑猶輕根黑最重如全黑者總有神丹萬難救療也

舌灰色總論

灰色舌胎有陰陽之異寒熱之辨直中陰濕即時舌便灰色而無積胎熱傳三陰必四五日表證罷而舌變灰色黃胎也有在根在尖在中之分亦有渾舌俱灰色者大抵傳經熱症則有灰黑乾胎法當攻下泄熱以存其陰若直中三陰見灰色無胎之舌又當溫經散寒以扶其陽更有畜血證其人如狂或瞑目譫語亦有不狂不語不知人事而面黑舌灰者當分輕重以治其血切勿誤與冷水引領敗血入心而致不救也

舌紅色總論

紅色者古之正色也。舌屬南方火其色本當紅。第紅光外露不能內藏。斯為有病之舌。夫紅舌是少陰伏熱蓄於心胃。乃自裏而達於表也。仲景曰：冬傷於寒至春變為溫病。至夏變為熱病。故舌本煇紅而面色亦赤。至瘟疫之候。一方之內老幼皆相似者。舌亦正赤而加以積胎也。如或失治則蘊熱內蒸。豈但舌赤而已。必舌瘡疳腐。細長短病斯劇矣。然病有輕重。舌有微甚。且舌有根尖中下左右種種不同。皆蘊毒蘊熱之所化。以見病之淺深輕重。有殊治法。亦各不相侔。當清化者內解其毒。宜攻下者搜滌其邪。總使元陰元氣無傷。庶不失中和之治。若論攻邪無過達原解毒。施子淡豉三黃石黃大小承氣。至於養正又須滋陰養營六味七味保元左歸生脉無疑矣。

舌微醬色總論

微醬色舌胎者乃夾食傷寒。復夾濕熱而胃氣不化。薰蒸於舌。故見此象也。傷之輕者胎色薄。雖腹中疼痛不至下利惡寒者。可用桂枝湯加枳朴。橋半便開。不通加姜汁煮大黃。冷食不消加乾姜草豆蔻。其胎色厚而腹痛甚。服藥不應者必危。要知微醬色舌乃老黃兼黑色釀成。確是土邪尅水。水精不獲上榮。火土之色。故口燥唇乾大渴不能多飲。雖應下奪鮮有克愈者。

舌紫色總論

紫色舌胎者酒後傷寒也。由大醉露卧當風。或冷飲停積不散。或已病仍飲不節。或感冒不即解散。妄用姜葱熱藥發汗。汗雖出而酒熱留於心胞。伏於經絡血氣不能上榮於舌。故舌見紫色。而又有微白胎膜也。胎結舌之根尖長短厚薄涎滑乾焦種種不同。當參脉證調治之。

舌藍色總論

藍色舌胎乃肝木之色。因無胃氣而發見於外也。凡病傷寒雖經汗下胃氣必傷。精微不能上奉而心火

無氣胃土失其所依肺金乏其生氣則木寡於畏反假濁汚之氣以上乘膈中而胃脘之陽和頓失故純藍之色見於舌上也明是金木相併火土氣絕之候是以必死如舌色微藍或畧見藍紋者猶可溫胃強脾調肝益肺十中或可冀其一効若純藍色見確是肝木獨旺胃失陽和雖無劇證必死無疑至勃菡瘟疫其舌色青藍或紫或醬乃是病邪所致然非若傷寒之藍舌必關藏氣為死候矣宜并參核之

妊娠傷寒舌總論

妊娠傷寒邪入經絡舌胎漸生輕則子殞重則母傷枝損果必墜母傷胎必傾母子安危當驗於舌舌青面赤子死母活舌赤面青母死子活舌面俱青母子皆死舌面俱赤子母皆活活法胎詳載女科指要法中

雜病原

涇溪著

陰陽

陰陽者天地之綱紀萬物之化生人身之根本也數之可千推之可萬故病有陰陽脈有陰陽藥有陰陽以病言陰陽則表為陽裡為陰熱為陽寒為陰上為陽下為陰氣為陽血為陰動為陽靜為陰言多為陽語默為陰喜明為陽欲暗為陰陽微不能呼陰微不能吸陽病不能俯陰病不能仰以脈言陰陽則浮大滑動數皆為陽沉澹弦微遲皆為陰以藥言陰陽則升散為陽斂降為陰辛熱為陽苦寒為陰行氣分者為陽血分者為陰性動善走為陽性靜善守為陰此皆醫中之大法迨陰中復有陽陽中復有陰則此少彼多其中便有變化若陽有餘而便施陽治則陽愈熾而陰愈消陽不足而更施陰方則陰愈盛而陽斯滅矣道產陰陽原同一氣火為水之主水為火之源水火原不相離也何以見之水為陰火為陽象分水炭何謂同源蓋火性本熱使火中無水其熱必極熱極則亡陰而萬物焦枯也水性本寒使水中無火其寒必極寒極則亡陽而萬物寂滅矣此水火之氣固不可呼吸相離也其在人即元陰元陽即先天之元神元氣也欲得先天當思根底命門為受生之基水火之宅即先天之北闕也是舍此他求如涉海問津矣

凡人之陰陽但知以藏府血氣寒熱為言此是後天有形之陰陽若先天無形之陰陽則陽曰元陽陰曰元陰元陽者即無形之大以生以化神機是也性命係之故在上亦曰元氣元陰者即天一之水以長以立天癸是也強弱係之故在下亦曰元精元氣者即化生精氣之元神也生氣通天惟賴乎此經曰得神者昌失神者亡即此之謂今之人多以後天勞復戕伐先天今之醫只知有形邪氣不知無形元氣夫有形者迹也盛衰昭著體認無難無形者神也變幻倏忽挽回非易故精曰粗守形上守神

天地陰陽之道本貴和平則冷氣調而萬物生此造化生成之理也然陽為生之本乃生氣也陰實死之基非真陰也故道家曰分陰未盡則不仙出分陽未盡則不死華元化曰得其陽者生得其陰者死陰虛生內熱陽虛生外寒陰盛生內寒陽盛生外熱此經言陰陽之虛實也

經曰陽氣有餘為身熱無汗此言表邪之實也陰氣有餘為多汗身寒此言陽氣之虛也仲景曰發熱惡寒發於陽無熱惡寒發於陰

經曰陰勝則陽病陽勝則陰病陽勝則熱陰勝則寒陰根於陽陽根於陰病有不可正治者當從陽以引陰從陰以引陽各求其屬以衰之如求汗於血生氣於精從陽引陰也引火歸原納氣歸腎從陰引陽也此即水中取火火中取水之義

陰之病也其來緩其去亦緩陽之病也其來速其去亦速陽生於熱也陰生於寒也陽病則曰靜陰病則夜甯陽虛則暮亂陰虛則朝亂蓋陽虛喜陽助則朝輕暮重陰虛喜陰助則朝重暮輕此言陰陽之虛也若係實邪與此相反陽盛則朝重暮輕陰盛則朝輕暮重此陽逢陽旺陰得陰強也其有或晝或夜時作時止不時而動者以正氣不能主持則陰陽勝負交相錯亂當培養正氣則正氣勝而陰陽將自和矣但或水或火必因虛實以求之

命門

命門之義腎有兩枚以診法言左者為腎右者為命門故右尺診相火左尺診腎水以生氣言則腎皆屬水其真火實居兩腎之間即經曰七節之旁中有小心也

命門為精血之海脾腎為水穀之海均為五藏六府之本然命門為元氣之根真火之宅一陽居於二陰之間為薰育之主而五藏之陰氣非此不能滋五藏之陽氣非此不能發而脾腎是中州之土非此火不

能生細而分之戊土生於離宮之火已土生於坎宮之火故必春氣始於下則三陽從地起而後萬物得以化生豈非命門之陽氣在下總為脾胃之母故脾胃為灌注之本得後天之氣也命門為化生之原得先天之氣也此其中自有輕重本末之先後許知可以補脾不若補腎李東垣以補腎不若補脾各有真見

命門有火候即元陽之謂即生物之火然稟賦有強弱則元陽有盛衰陰陽有勝負則病治有微甚此火候之所以宜辨也茲姑以大抵言之則一陽之元氣必自下而升而三焦之普護乃各見其候蓋下焦之候如地土化生之本也中焦之候如竈釜水穀之爐也上焦之候如太虛神明之宇也下焦如地土者地土有肥瘠而出產異山川有厚薄而藏蓄異聚散操權總由陽氣人於此得一分即有一分之用失一分即有一分之虧而凡天壽生育及勇怯精血以至病治之基無不由此而元陽之足與不足即為消長盈縮之主此下焦火候之謂也中焦如竈釜者凡飲食之滋本於水穀食強則體壯食少則體衰正以胃中陽氣其熱如釜使不其然則早食何以午即化午食何以申即化而釜化之速不過如此觀竈釜之少一炬則遲化一項增一炬則速化一時火力不到則全然不化而脾胃之化與不化飲食之能與不能總由陽明之胃氣有強與不強而陰寒之邪氣有犯與不犯耳及其病也則漸痞漸脹或膈或嘔或十化其三或膨聚而不消或吞酸噯腐而食氣不變或腹疼胸痛而終日不饑或清濁不分或完穀不化蓋化則無不運行不化則無不留滯運化則為氣為血留滯則為積為痰此其故謂非胃氣之不健而火候之無力乎今見治痞治脹及治吞酸噯腐等證無論熱非熱動輒呼為胃火而能堪否此中焦火候之謂也上焦如太虛者凡變化本於神明而神明必根於陽氣蓋此火生氣則無氣不至此火化神則無神不靈陽之在下則溫煖故曰相火以位陽之在上則昭著故曰君火以明是以陽長則陰消而離照當空故五

官治則萬類盛陽衰則陰盛而陽為陰抑故聰明奪而神志衰凡人聲色動定及智愚賢不肖之有不齊者何莫非陽德為之用此上焦火候之謂也三焦論火候則各有所司何以皆歸之命門而不知水中之火乃先天真一之氣也藏於坎中自下而上與後天胃氣相接而化為生生之本是花萼之榮在根底竈釜之用在柴薪也使真修不發於淵源則總屬無根之火而無根即為病氣非元氣也故易以雷在地下而為復可見火之標在上而火之本則在下也且大惟就燥性極畏寒若命門陰盛則元陽畏避而龍火無藏身之地故游散不歸而為煩熱格陽當從其性以導之使陽和之氣直入坎中據其巢穴而招之誘之則相求同氣而虛陽無不歸原矣故曰甘溫能除大熱也奈何虛陽指為實熱不思溫養而但知寒涼可以滅火安望其尚留生意哉此醫家第一活人大義倘三焦有客熱邪火固不得不清原非正氣火候之謂學者當深明邪正即得治生之要矣

命門有生氣即陽和不息之機也無生則無命矣蓋陽性動而主升陰性靜而主降惟動惟升所以陽主生氣惟靜惟降所以陰主死氣陽和之氣始於下而盛於上升則向生也陰靜之氣始於上而降於下降則向死也故陽生於子而前升後降陰生於午而前降後升此陰陽之分歧而死者之權柄惟此毫厘升降之機耳又如水暖則化氣化氣則升無不生也水寒則成冰成冰則降無不死也故腎氣獨沉則奉生者少即此生氣之理至人之生氣則無所不在如藏府有生氣顏色有生氣脈息有生氣七竅有生氣四肢有生氣二便有生氣生氣即神氣神自形生何可不辨衰者速培猶恐弗及然必細審孰者已虧孰者能益生氣孰者能損生氣孰者宜先攻病氣以保生氣孰者宜先固生氣以禦病氣生氣即少陽之氣無非來自根本其得其失總在生息之間經曰得神者昌失神者亡即此生氣之謂也命門有門戶為一身鞏固之關也經曰倉廩不藏者門戶不要也水泉不止者膀胱不藏也得守者生失守者死又曰腎者胃

之關也。關門不利，聚水而從其類也。又曰：北方黑色，入通於腎，開竅於二陰，可見北門之主總在乎腎。而腎之政令總在乎命門。蓋命門為北門之樞，有陰陽之柄，陰陽和則蓄泄有常，陰陽病則啟閉無序。故有為癃閉不通者，以陰竭水枯，乾涸之不行也。有為滑泄不禁者，以陽虛火敗，收攝之無主也。陰精既竭，非壯水必不能充；陽氣既虛，非益火必不能固。然精無氣不化，氣無水不行，此其中又有可分不可分之妙用，亦在乎聰慧者之神悟耳。

命門有陰虛以火熱之偏勝也，火熱之偏勝緣其真水之不足，故或為煩渴，或為骨蒸，或為欬血吐血，或為淋濁遺泄。明是火證而本非邪熱實熱之比，蓋實熱之火其來暴而必有感冒之故，虛熱之火其來徐而必有積損之因。此虛火實火之大有不同也。實火之火可以寒勝，可以水折，所謂熱者寒之也。虛熱之火不可以寒勝，不可以真折，所謂勞者溫之也。虛火因其無水，只當補水以配火，則陰陽自可平和。若欲去火以復水，則既虧之水未必即復，而并火去之，豈不陰陽兩敗乎？且苦寒之物絕無中和之生氣，欲其補虛難矣。當以甘平微涼之品專補真陰，雖未必即愈，自可無害其胃。然後乘其可乘之機，暫一清解，或漸加溫潤，必使生氣漸來，庶乎脾可健而熱可退，肺漸潤而嗽漸寧，方是挽回之佳兆。多有得生者，若僅知知柏為滋陰，則陰未得滋而火為得清，勢必敗胃而泄瀉食減者多矣。

君火相火

君火以明，相火以位。君道惟神，其用在虛；相道惟力，其用在實。故君之能神者，以其明也；相之能力者，以其位也。明者明於上，為神明之元主；位者位於下，為化育之洪基。此君相生成之大道，而有此天不可無此地，有此君不可無此相也。以火象言之，輕清而光焰於上者，火之明也；重濁而溫蓄於下者，火之位也。明即位之神，無明則神用無由以著；位即明之本，無位則光焰何從以生。故君火之變化於無窮，總賴相

火之裁根於有地分之則一而二總之則二而一者也此君大相火之辨凡其為生化為盛衰人之所賴以生者惟此故內經特以七節之旁中有小心亦以見君相之義無藏不有總言大體則相火當在命門謂根亥在下為枝葉之本也析言藏守則藏府各有君相謂意念所出無不從乎神志也故凡心之神肺之氣脾胃之倉廩肝膽之謀決腎之伎巧亦皆從位字發生而五藏各有位則五藏各有相人之情欲多有妄動者動則俱能起大火盛則傷元氣是為元氣之賊乃邪正之分歧也夫惜欲之火邪氣也君相之火正氣也正氣之蓄即為元氣邪火之動則傷正氣是為元氣之賊當知火之賊人原非君相真火不論內邪皆為邪火邪火可言賊君相不可言賊也信夫

六要

六要者表裏寒熱虛實也此醫中最大關鍵明乎茲則萬病皆指諸掌以表言之則風寒暑濕火燥感於外者是也以裏言之則七情熱飲飲食傷於內者是也寒者陰之類或為內寒或為外寒寒者多虛而實者少熱者陽之類或為內熱或為外熱熱者多實而虛者少然虛者正氣不足也內出之病多不足實者邪氣有餘也外入之病多有餘

表證

表證者邪自外入者也凡風寒暑濕火燥氣有不正者皆是經曰清風大來燥之勝也風木受邪肝病生也熱氣大來火之勝也金燥受邪肺病生也寒氣大來水之勝也火熱受邪心病生也濕氣大來土之勝也寒水受邪腎病生也風氣大來木之勝也土濕受邪脾病生也又又傷於寒春必病溫春傷於風夏生殄泄夏傷於暑秋必痲瘧秋傷於濕冬生咳嗽凡此皆言外來之邪而邪有陰陽之辨所傷亦各不同然邪雖有六化只陰陽邪化熱傷氣陰邪化寒傷形傷氣者氣通於鼻鼻受無形之天氣而通乎藏故外

受暑熱而病有發於中者以熱邪傷氣也傷形者形充於血血營乎身寒邪傷之淺在皮膚深入經絡邪束於外熱遏營衛則為身熱體痛無汗惡寒是寒邪傷形也經曰寒則腠理閉氣不收故氣收矣吳則腠理開營衛通汗大泄故氣泄矣此寒熱陰陽之辨而六氣感人又惟風寒為最以風為百病之長寒為殺厲之氣也人生內有藏府外有經絡邪之客於形身必先舍於皮膚次入經絡留而不去然後內連藏府此邪自外入之次若邪氣在表不可攻裏恐裏虛邪陷漫無解期矣表證既明裏證可因而辨也

人身藏府內經絡在外故藏府為裡經絡為表在表手足各有六經為十二經以十二經分陰陽則六陽屬府為表六陰屬藏為裡以十二經分手足則足經之脈長而且遠自上及下遍絡四體故可按之以察周身之病手經短而且近皆出入於足經之間故診外感者但言足經不言手經也然足之六經又以三陽為表三陰為裡而三陽又以太陽為陽中之表以其脉行於背背為陽主表也陽明為陽中之裡以其脉行於腹腹為陰主裡也少陽為半表半裏以其脉行於側三陽傳遍漸入三陰也故欲察表證當分足三陽經而又以太陽一經包覆肩背周身內連藏府有俞為諸陽主氣獨四通八達之衢風寒傷之先犯此經足三陽由足入腹太陽在肌表之間而三陰主裡風寒自外入者未有不由陽虛而入陰經也若運入三陰即為直中必連藏矣故陰經無獨見之表證

寒邪在表必身熱無汗以邪閉皮毛也

寒邪客於經絡必身體痛或拘急痠疼以邪氣外束營血不能流利也

寒邪在表而頭痛有四足太陽經脈上循頭項故頭連腦而痛陽明經脈上循頭面故頭連額而痛少陽經脈上循髮際故頭角作痛厥陰脈上顛頂故頭頂作痛惟太陰少陰無外邪頭痛皆虛頭痛屬少陰痰厥頭痛屬太陰也

寒邪在表陽氣不伸故令惡寒此傷寒惡寒如傷寒惡食也

邪氣在表脈必浮而緊數以營氣為邪拘束不能和緩舒徐也太陽經起目內眦上頂顛下項挾脊抵腰膝外邪干之必發熱而頭項強痛腰脊強或膝脛痛也

陽明經起目上下網循面挾鼻行胸腹故邪在陽明必發熱目疼鼻乾不得眠也

少陽為半表裡之經繞耳前後循肩下脇肋故邪在少陽必寒熱往來耳聾口苦胸脇痛而嘔以上皆三陽表證不可攻裏或發表或微解或溫散或涼散或和解或溫中托裡而為不散之散或補陰助陰而為雲蒸雨化之散

風寒在表脈必浮緊浮則為風緊則為寒風則傷衛寒則傷營營衛俱病骨節煩疼當發其汗也風為陽衛亦為陽寒為陰營亦為陰陽邪傷衛陰邪傷營各從其類也衛得風則熱營得寒則痛營衛俱病故骨節煩疼也

浮脈屬表理固然也若寒邪初感之甚者拘束衛氣不能外達脈必沉而兼緊但當以發熱惡寒頭痛身疼諸表證參合之血虛火迫動血脈數浮大按必索然陰虛水虧脈必浮數無力但當兼濇耳內火熾盛脈亦浮大或洪或數為異關陰格陽脈亦浮大按必格拒若此之類俱非表脈必當以形氣病氣有無表證參酌之庶免誤治之失外感寒邪脈大者必病進以邪氣日盛也然必大而緊數方為病進若初病脈小以後漸大漸緩者此從陰轉陽又為胃氣之脈病雖危劇終當漸解也病若未減脈氣緊而無力者靡有愈期也蓋緊者邪氣也力者元氣也緊而無力是邪氣有餘而元氣不足何以逐邪外出耶善診者必使元氣漸充則脈漸有力自小漸大自虛漸充漸至微洪微滑此是陽氣漸達而表將自解矣若日見無力而緊數日見危亡之兆也

病必自外入者方得謂之表證若由內以及外便非表證矣經曰從內之外者調其內從外之內者治其外從內之外而盛於外者先調其內而後治其外從外之內而盛於內者先治其外而後調其內此內外先後之不可不知也

傷風中風皆屬風邪不可均作表證傷風之邪自外而入表證也可散之溫之而已中風之病雖有風邪實由內傷而入宜扶本疎邪乃為正治更有本無風邪形證類乎中風者積損疊敗致然也俱不可作表證論

發熱之類似皆火證但當分辨表熱裡熱凡邪在表而發熱者表熱裡無熱也此因寒邪在表治宜解散邪解而外熱亦解在裡發熱者裡熱甚而達於外也此是大證治宜清涼裡熱化而外熱亦解凡此雖分內外皆可作邪熱證論治若陰虛水虧為骨蒸為夜熱者此藏虛內熱切不可作邪熱例治惟壯水滋陰則虛熱可解

濕燥二氣亦外邪之類但濕有陰陽燥亦有陰陽濕從陰化為寒濕燥從陽化為濕熱燥從陽化因於大燥從陰化發於寒熱則傷陰必連於藏寒則傷陽必連於經此濕燥皆有表裡皆有陰陽必當細辨別治經曰因於濕首如裹又曰傷於濕者下先受之若衝風冒雨動作勞苦汗濕沾衣皆濕從外入者也嗜飲酒醢恣啖生冷內傷脾胃泄瀉腫脹嘔吐疸黃皆濕從內出者也在外在上宜汗解在內在下宜分利濕熱宜清宜淡寒濕宜燥宜溫又曰清氣大來燥之勝也風木受邪肝病生也即中風之屬蓋燥勝則陰虛陰虛則血少血少則或為牽引或為拘急或為脾脹風消或為藏府乾結此燥從陽化陰氣不足而傷子內者然也治當養營滋陰為主若秋令太過金氣勝而風燥從之則肺先受病而燥生也此傷風之屬由風邪外來氣應皮毛故身熱無汗乾欬喘滿鼻塞聲啞咽乾喉燥此燥自金生衛氣受邪而傷乎表者然

也治以輕揚解散潤肺祛邪為主

裏證

裏證者病之在內在藏也凡病自内生則或因七情或因勞倦或因飲食所傷或為酒色所困皆為裏證未免誤表作裏誤裏作表最為大害當詳辨之

身雖微熱澀澀汗出不止及無身體痠疲拘急脈不緊數者此熱非在表也

身熱不惡寒反惡熱此絕無表邪乃陽明熱盛於裏正為裏證也

凡病表證而小便不利者知邪已入裏也

表證不罷而飲食不進胸腹拒按者此邪已實於裏也若嘔惡口苦心胸滿悶乃表熱傳至胸中漸入於裏也煩燥不眠躁渴譫語腹肚下利者皆邪熱深入於裏也腹脹喘滿大便結硬潮熱斑黃脈滑數實此則陽明胃府裡實乃可下之也

七情內傷過於喜者傷心而氣散心氣散者收之養之過於怒者傷肝而氣逆肝氣逆者平之抑之過於思者傷脾而氣結脾氣結者溫之豁之過於憂者傷肺而氣沉肺氣沉者舉之舒之過於恐者傷腎而氣怯氣怯者壯之安之

飲食內傷氣滯而積者胃之實也宜消之逐之不能運化者脾之虛也宜煖之助之

酒熱傷陰煩滿而欬嗽者濕熱為病也清之泄之酒濕傷陽腹痛泄瀉嘔惡者寒濕為病也溫之燥之

勞倦傷脾者脾主四肢也必當調補其中氣

色慾傷腎陽虛無火者兼培其元氣陰虛無火者純補其真陰痰飲為患必有所本治所從來方為至治若但治標非良法也五藏更藏傷本不易辨然有諸中必形於外也故肝病則目不能視而色青心病則

舌不能言而色赤脾病則口不味而色黃肺病則鼻不聞香而色白腎病則耳不聽音聲而色黑
寒熱

寒熱者陰陽之化也陰不足則陽乘之而變為熱陽不足則陰乘之而變為寒故陰勝則陽病陰勝為寒也陽勝則陰病陽勝為熱也熱極則生寒是熱極而陽內陰反外也寒極則生熱乃寒極而陰盛而陽行於外也陽虛則外寒寒必傷陽也陰虛則內熱熱必傷陰也陽勝則外熱陽歸陽分也陰盛則內寒陰歸陰分也寒則傷形形言表也熱則傷氣氣言裡也故火旺之時陽有餘而熱病生水旺之時陽不足而寒病起人事之病由於內氣交之病由於外寒熱之表裡當知寒熱之虛實亦不可不辨熱在表者為發熱頭痛為丹腫斑黃為揭去衣被為諸痛瘡瘍熱在裡者為脹滿脅肘為煩渴痞結或喘急叫吼或躁擾狂越熱在上者為頭疼目赤為牙痛喉癰為諸逆冲上為喜冷舌黑熱在下者為腰足腫痛二便閉澀或莖痛遺精或溺赤便濁

寒在表者惡寒身痛浮腫膚痠及容顏青慘四肢寒厥
寒在裡者惡心嘔吐冷熱腸鳴及心腹痠痛喜熱畏冷
寒在上隔吞酸噎膈噎塞反胃及飲食不化喘腹呃噦
寒在下焦清濁不分腹痛殭泄及陽痿遺精膝腰寒冷
真寒之脉必遲弱無神真熱之脉必滑數有力

陽藏之人多熱陰藏之人多寒陽藏者必平生喜冷畏熱即朝夕食冷絕無所病此真陽之有餘也陰藏者喜熱畏冷畧食寒涼必傷脾胃此真陽之不足也第陽強者少十惟二三陽弱者多十常七八然恃強者每多致病畏弱者多獲康安若見彼之強忘我之弱則與侏儒觀場醜婦妒顰者無異矣

寒熱真假

寒熱有真假者陰證似陽陽證似陰也惟陰極反能發熱是內寒外熱即真寒假熱也陽極反能厥冷乃內熱外寒即真熱假寒也假熱者最忌寒涼假寒者切忌溫熱辨此之法當以脈之虛實強弱為主假熱者水極似火也凡病傷寒或雜病其有素虛虛寒偶感邪氣而反熱者有勞倦受邪而反熱者酒色過度受邪而反熱者七情過度受邪而反熱者更有原非火證誤服寒涼而反熱者真熱本發熱而假熱亦發熱見證亦面赤煩躁大便不通小便赤澀或為氣促咽喉腫痛或為身熱脉勢躁疾未免誤認為熱妄投寒涼下咽必斃不知身雖熱而裡實寒正是裡寒格陽之證乃虛陽不斂也故口雖乾渴不喜冷飲熱飲亦不能多或大便不實或先硬後溇或小便短少或水枯黃赤或氣短懶言或神倦色黯或起倒如狂禁之則止自與登高罵詈者不同此虛狂也或斑如蚊跡淡紅細碎自與熱極虛者不同此虛斑也假熱之脉沉細急疾或豁大無神此熱越皮膚寒在藏府所謂惡熱非熱明是陰證也似此內敗真寒不知求本但知攻熱則無不速危矣急當以八味理陰同陽四逆倍加附子引火歸原使元陽漸回則熱必退藏所謂火就燥者是也經曰身熱脉數按之不鼓擊於指下者此陰勝格陽非熱也仲景治少陰證煩躁發狂者四逆湯加猪胆汁人尿以平格陽之氣東垣治面赤目赤煩躁欲飲脉七八至按之則散者此無根之火當以姜附湯加人參以補攝元氣外臺秘要以陰盛格陽名陰躁欲坐井中宜以熱藥治之假寒者火極似水也如傷寒熱甚失於汗下致陽邪元極熱伏於內自陽入陰其初身熱漸至發厥神志昏沉或時畏寒此真寒本畏寒而假寒亦時畏寒是厥深熱深熱極反兼寒化也必聲壯氣粗形強有力唇焦舌黑燥渴飲冷小便赤澀大便秘結或熱結旁流下利清水中仍有燥糞及失氣極臭者非寒也脉必滑數有力是實熱內結也承氣湯心煩潮熱大柴胡湯有熱無結自汗煩渴脉洪無力者如神白虎湯

雜病假寒必時慄畏寒口渴飲水此熱極於內陽氣不伸正寒在皮膚熱在藏府也所謂惡寒非寒明是熱症故飲冷便結溺澇口臭躁擾不寧脉必滑數有力當以涼膈加連清熱存陰內熱既除則假寒自退所謂水流濕者是也經曰身熱厥冷脉必滑數按之鼓擊於指下者此陽極似陰非寒也

虛實

虛實者有餘不足也有表裏之虛實氣血之虛實藏府之虛實陰陽之虛實凡外入之病多有餘內出之病多不足實言邪氣當瀉虛言正氣當補欲明虛實當知根本夫病邪之實固為可慮而元氣之虛更屬可慮診病之法必先以元氣為主而後求病邪之深淺若實而誤補不過增病病增者隨可解救虛而妄攻必致脫元元脫者不可生矣總之虛實之要莫逃乎脉如脉之真有力真有神方是真實症脉之假有力假有神便是假實症矧脉之無力無神以至全無力全無神者

表實者發熱身痛惡寒鼓頤或惡熱揭衣揚手擲足寒束於表者無汗火結於表者有瘍走注紅痛知營衛之有熱拘急痠疼知經絡之有寒

裏實者為痛脹為痞堅為閉結喘滿為煩躁懊憹或氣血積聚結滯腹中不散或寒邪熱毒深留藏府難治

陽實者多實惡熱陰實者多痛惡寒氣實者氣必喘粗聲音壯厲血實者血必凝聚多痛且堅心實多言多笑小便黃赤澇少肝實多懊多怒小腹兩脇疼痛脾實痞滿腹脹氣閉身重肺實喘欬多痰胸滿氣逆腎實氣壅數閉二便痛澇

表虛多汗戰慄怯寒耳聾眩暈目暗羞明或肢體麻木舉動不勝煩勞或皮毛枯槁肌肉日漸瘦削或顏色憔悴或神氣索然裡虛心怯心跳多驚津液內竭神志不寧或饑不飲食渴不喜冷或畏明張目惡聞

人聲或飲食難化時多嘔惡或氣虛中滿二便不利或遺精而溲溺不禁或泄瀉而脫出肛門女子血枯經閉胎多下墮帶下赤白崩漏瘰癧

陽虛者火虛也為神氣不足眼黑頭眩欬嗽吐沫必多寒而畏寒

陰虛者水虛也為骨蒸勞熱亡血戴陽乾欬失精必多熱而畏熱

氣虛者氣短似喘聲音低怯

血虛者肌膚乾澹筋脉拘攣

心虛則神慘怛志意怯慮多悲愁不樂肝虛則目眈眈無所見善恐陰縮筋攣脾虛則四肢不為我用飲食不為膚肌肺虛氣少自微皮毛枯澹少澤腎虛二便不禁夜多夢泄遺精

虛者宜補實者宜瀉不知虛中復有實實中復有虛故至虛有盛候大實有羸狀也如病起七情或饑飽

勞倦或酒色所困或先天不足每多身熱便閉虛狂脹滿戴陽假斑證似有餘實由不足又如外感未除

留伏經絡飲食不消積聚藏府或鬱結逆氣有不可散頑痰瘀血有所留藏病磨致羸似乎不足不知病

根未剷實非虛症也經曰無實實無虛虛謂損不足而益有餘耳


治法

逆者正治從者反治以寒治熱熱治寒此正治也正即逆也以熱治熱以寒治寒是反治也反即從也如熱藥散寒病而寒不去者無火也當以桂附參熟治之即益火之原以消陰翳也熱治寒而寒不退反用寒涼而寒退者此正假寒之病以寒從治則熱化而寒自解也寒藥治熱病而熱不除者無水也當以六味知柏治之即壯水之主以制陽光也寒治熱而熱不愈反用參薑桂附八味而退熱者此即假熱之病以熱從治即甘溫能除大熱也熱因寒用者沉寒內結當以熱藥治之第寒甚格熱熱不能前則以熱藥

冷服下咽之後冷性既消熱性便發情且不違而致大益寒因熱用者如大熱在中以寒攻治則不入以熱攻治則病增乃以寒藥熱服入腹之後熱性既消寒性遂行情且協和而病日以減也

氣味

氣味之辨則諸氣屬陽諸味屬陰氣本乎天有四寒熱溫冷是也味本乎地有六酸苦甘辛鹹淡是也溫者天之陽寒涼者地之陰也辛甘淡者地之陽酸苦鹹者地之陰也陽主升而浮陰主沉而降辛主散其行也橫故能解表甘主緩其性也和故能補中苦主瀉其行也下故可去實酸主收其性也斂可以治泄淡主滲其性也利可以分消鹹主軟其性也沉可以導滯用純氣者取其動而能行用純味者取其靜而能守氣味兼用合和之妙君臣相配宜否之機既欲其宜尤當知忌先避其害後用其利一味不投眾善俱棄欲表散者須遠酸寒欲降下者勿兼升散陽旺者當知忌熱陽衰者沉寒勿犯上實者忌升下實者忌秘上虛者忌降下虛者忌泄諸動者再動即散諸靜者再靜則滅甘勿施於中滿苦勿投於假熱辛勿需於熱躁鹹勿用於傷血酸本木味最能尅土脾胃氣虛而少運者切勿輕投陽中復有陰象陰中復有陽訣使能燭此陰陽則藥理雖玄豈難透徹



女科醫案

吳江徐靈胎大椿著

調經門

汪石山治一婦瘦小年二十餘經水紫色或前或後臨行腹痛甚或寒或時或寒腹亦作痛脉皆細濡近游兩尺重按略洪而滑此血熱也或謂亞寒如此何謂為熱曰熱極似寒也多用黃連四兩香附歸身尾各二兩五靈脂一兩為末糊丸空腹吞之而愈

一婦年二十一歲六月經行腹痛如割難求受孕脉則細軟而駛尺則沈弱而近駛汪曰細軟屬寒數則為熱尺沈屬鬱滯也以酒者黃連八兩炒香附六兩五靈脂半炒半生三兩歸身尾二兩為末糊丸空心湯下三四錢服至五六料越九年得一子後屢服屢獲每十五年後前藥罔效汪復診之脉皆洪滑無力幸其尚有精神汪曰此非舊日比矣舊乃鬱熱今則虛寒東垣曰始為熱中終為寒中是也經曰脉至而從按之不鼓乃陰盛陽陽當作寒治且始病時而形斂小今則形肥大矣書曰瘦人多血熱肥人多血虛豈可同一治也所可慮者汗大泄而脉不為汗衰血大崩而脉不為血減耳其痛日重夜輕知由陽虛不能健運故亦凝滯而作痛以證參脉宜用助陽若得脉減痛輕方為佳兆遂投參耆歸木桂附一劑來朝再診脉皆稍再服至二三十劑病已愈蓋病有始終寒熱之異藥有前後用舍不同形有肥瘦壯少不等豈可以一方而通治哉

發熱門

吳菱山治一婦經血過多五心煩熱日晡潮熱脉數沉滑諸藥不效投以四物湯加胡黃連三服而愈

薛新甫治一婦人經候遇期發熱倦怠或周四物黃連之類反二月一度且少而成塊又用峻藥過之兩

目如帛所蔽。取脾為諸陰之首。目為血脈之宗。此脾一受傷。五藏皆為失所。不能歸於胃矣。胃氣一虛。則清陽皆不能上奉。遂用補中益氣歸脾二湯。專主脾胃。半年尋愈。

熱入血室門

許學士治婦病。傷寒發熱。遇夜則如鬼狀。經六七日。忽然昏塞。涎響如引鋸。牙關緊急。瞳目不知人。病勢危困。許視之曰。得病之初。曹值月經來否。其家云。經水方來。病作而經遂止。得一二日發寒熱。晝雖靜。夜則有鬼祟。從日昨不省人事。許曰。此乃熱入血室證。仲景云。婦人中風發熱。惡寒。經水適來。晝則明了。暮則譫語。如見鬼狀。發作有時。此名熱入血室。醫者不曉。以劉薊與之。遂致胸膈不利。涎潮上湧。喘急。意高。昏冒不知人。當先化其痰。後除其熱。乃急以一呷散投之。兩時頃。涎下得睡。省人事。次以小柴胡湯加生地黃三服而除。不汗而自解矣。

一婦人熱入血室證。醫者不識。用補血調氣治之。數日遂成血結胸。或勸用藥。許公曰。小柴胡已遲。不可行也。無已。刺期門穴。斯可矣。予不能鍼。請善鍼者治之。如言而愈。或問熱入血室何為而成結胸也。許曰。邪氣傳入經絡。與正氣相搏。上下流行。遇經水適來適斷。邪即乘虛入於血室。血為邪所迫。上入肝經。肝受邪則譫語。而見鬼。復入臆中。則血結於胸中矣。何以言之。婦人平居。水養木。血養肝。方未受孕。則下行為月水。既受孕。則中蓄之養胎。及已產。則上壅之以為乳。皆血也。今邪逐血併歸於肝經。聚於臆中。結於乳下。故手觸之則痛。非藥可及。故當刺期門也。

虞德恒治一少婦。夏月行經得傷寒。似虛。譫語狂亂。諸醫皆以傷寒內熱投雙解散。解毒湯服之大汗如雨。反如風狀。次以牛黃丸金石之藥。愈投愈劇。一日延虞診視。脉弦而大。虞曰。傷寒內熱狂亂。六陽俱病。宣不口乾舌黑。況脉不數。病體按之或熱或靜。其腹急滿。意必有內傷在。傷寒在後。今傷寒得汗。

雖已內傷則尚存故也因細問之患者曰正行經時因飲食後多必用冷水抹身因得此證方知冷水外閉其汗內阻其血邪熱入於血室經血未盡血得邪熱乍靜乍亂故寒熱證語掉眩類風也須得玉燭散下之下後證語已定次以四物小柴胡湯調理五日熱退身涼患遂瘳

行義云一婦人溫病已十二日診之其脉六七至而濇寸稍大尺稍小發寒熱煩赤口乾不寐耳聾問之病數日經水乃行此屬少陽熱入血室也若治不對病則必死乃按其證與小柴胡湯服之二日又與小柴胡湯加官桂乾姜一日寒熱遂止又云臍下急痛又與抵當丸微利臍下痛痊身漸涼脉漸勻尚不了了乃復與小柴胡湯次日但胸中熱躁口鼻乾又少與調胃承氣湯不得利次日心下痛又與大陷胸湯半服利三行次日虛煩不寐時有所見復狂言雖知其尚有燥屎以其極虛不敢攻之遂與竹葉湯去其煩熱其夜大便自通至晚兩次中有燥屎數枚而狂言虛煩盡解但咳嗽唾沫此肺虛也若不治恐成肺癰遂與小柴胡湯去人參大棗生薑加乾姜五味子一日效減二日而病悉愈薛文齋治一婦人懷抱素懣感冒風熱經行證語服發散之劑不應用寒涼降大前證益甚更加月經不止肚腹作痛嘔吐不食痰涎自出此脾胃虛寒用香砂六君子湯脾胃漸健諸證漸退又用歸脾湯而全愈

經行泄瀉門

汪石山治一婦人必泄瀉三日然後經行診其脉皆濡弱此脾虛也脾統血制濕經行將動脾血先已流注血海然後下行為經脾血既虧則脾氣亦不能運行其濕也今作參苓白朮散每服一錢一日米飲調下二三次月餘竟不瀉

一婦年逾四十形長色脆病經不行右脉浮軟而大左脉虛軟而小近駛常時經前作瀉今年四月感風

欬嗽用湯洗浴汗多因瀉一月六月復因洗浴發瘧六七次瘧雖止而神思不返至八月盡而經水過多白帶時下泄瀉不止右脚疼痛舊曹問脚根今則假此延痛解腿腰肋尻骨頸項右過經脉皆掣痛或欬嗽一聲則腰眼痛如腰托日輕夜重叫號不已幸痛稍止飲食如常今詳月水過多白帶時下日輕夜重泄瀉無時亦屬下多二陰宜作血虛論治服四物止痛之劑蓋其九月注復診視始悟此病乃合仲景所謂陽生陰長之法矣夫經水多白帶下常泄瀉皆陽虛下陷致然名曰脫陽日輕夜重者蓋日陽旺而得健運之職故血無凝滯之患而日故輕夜則陰旺而陽不得其任夫健運之常血亦隨滯故夜重遂以苓朮助陽之藥前服五七劑一月全安

經閉門

一室女年十七病久愈天癸不通發熱欬嗽飲食少思欲用通經丸薛曰此蓋因虛寒不足陰血未充故耳但養血氣益津液其經可自行彼惑於達効仍用之余曰非其治也此乃剽悍之劑大助陽火陰血得之則妄行脾胃得之則消耗後果經血不止飲食不入遂致不救

一婦人將一女子年十五時來診言女子十四時經水目下今經反斷其母言之恐慌余曰若是夫人親女必夫人年十四時亦經水下所以斷者為避年乃怪後當目下此真氣猶怯實賦素弱而然也如欲藥之宜固先天真氣使水升火降則五臟自和而脉通行矣

一婦人月事不行寒熱往來口乾頰赤飲食少進至暮間欬二三聲諸醫皆用蟲虫水蛭乾漆硃砂芒青紅娘子沒藥血竭之類惟余不然曰古方雖有此法奈病人服之必臍腹發痛飲食不甘乃命其藥內經曰二陽之病發心脾心受之則血不流故女子不月既心受精熱宜抑大升水流濕潤燥問其飲食乃湧出痰一二升下泄水五六行水濕上下皆去血氣自然流通月事不為水濕所隔自可依期而至

矣。亦不用蟲虫等有毒之藥。如用之。則月經縱來。小溲反閉。他證生焉。凡精血不足者。宜補之以味大。忌有毒之藥。性偏氣悍。而致天柱多矣。

一婦人年二十四歲。經水不行。寒熱往來。面黃頰赤。口燥唇焦。時咳二三聲。視其所服之藥。黑神散。烏金丸。四物湯。燒肝散。驚風散。建中湯。實肺散。鐵文子。百轉劇。家人意。僕不欲求治。余憫之。先湧痰五六升。午前湧畢。午後病除。後二日。復輕湧之。又去痰一二升。食益進。不數日。又下通經散。瀉訖一二升。數日後。去死皮數重。小者如秋片。大者如膜皮。不月餘。經水自行。神氣大康矣。

血崩門

孟嘗人母年五十餘。血崩一載。僉用澤蘭丸。黑神散。保安丸。白微散。補之不效。余見之。曰。天癸已盡。本不當下血。蓋血得熱而流散。非寒也。夫女之血。肺多。因大悲哭。悲甚則肺葉布心。系為之。血血不替而下崩。內經曰。陰虛陽搏。謂之崩。陰脉不足。陽脉有餘。數則內崩。血乃下流。舉世以虛損治之。豈有知其非者。可服大劑者。黃連解毒湯是也。次以香附二兩。炒白芍二兩。炒當歸二兩。焙。三味同為細末。溫水調下。又服檳榔丸。不旬日而安。

西園公治婦人年六十二歲。血崩不止。投黃連解毒湯四劑。後服涼膈散。合四物湯六劑。後即愈。此婦因悲哀太過。則心氣急。肺布葉散。而上焦不通。熱氣在中。迫血而崩。故效。

薛氏治一婦人年將七十。素有脾肺之證。每發則飲食不進。胸膈不利。或中脘作痛。或大便泄瀉。或小便不利。投以通達散。加山梔木。香附。神而愈。後憂女傭居。不時崩下紫黑血。其病每作。先僕急而後發。經曰。積憂傷肺。精思傷脾。肺傷則肝木無制。脾傷則木愈乘。脾肺兩傷。則肝陽獨旺。不能攝血。歸經而發也。隨以前方。加炒黑黃連五分。炒黑芩末三分。一服頓止。數服而康。

一婦人年六十四歲素多鬱怒每患必頭痛寒熱春間乳內作痛脈流氣飲之類益甚不時有血如經行又大驚恐則飲食不進夜寐不安乳腫及兩脇痠痛如炙午後赤甚余以為肝脾鬱火血燥先以逍遙散加醋浸炒黑龍膽草一錢炒黑山梔一錢半二劑腫痛頓退又二劑而全消改用歸脾湯加黑山梔川貝母諸證悉痊

一婦因怒崩血久不能止面色青黃或赤此肝木制脾土而血虛也用小柴胡合四物湯以清肝火生肝血又用歸脾補中二湯以益脾氣生肝血而瘥此證若因肝經風熱而血不寧者以防風一味為丸以兼證之藥煎送或肝經大動而迫血者用條芩炒黑為丸以兼證之藥煎送無有不效

一婦人性急多怒每怒非耳項喉嚨胸乳作痛即胸滿吞酸吐瀉崩下不止此皆肝火之證肝自病則外證見土受剋則內證作治外證用四物湯加白朮茯苓柴胡炒山梔炒龍膽治內證用四君湯加柴胡白芍朮香吳茱萸炒黃連內外證先後速治悉平惟血崩不淨是血分有熱脾氣尚虛以逍遙散倍用白朮茯苓又以補中益氣湯加醋炒白芍炒鬆生地一月之期血止而經亦調矣

戴同父治一婦血大至曰崩中或清或濁或純下塊血瘀腐勢不可遏甚則頭目昏暈四肢厥冷並宜膠艾湯吞靈砂丸佐以三灰散或以童子小便煎理中湯或以沉香降氣湯加入百草霜血崩甚而腹又痛人多疑為惡血未盡又見血色瘀黑愈信惡血之說不敢止截大凡血之為患欲出未出之際停在腹中即成瘀色固難盡以瘀色之血為惡又焉知瘀之不為虛冷乎若必待瘀去之後截之恐併與人無之矣此腹痛更有說瘀血腹痛血通則痛止崩下腹痛血住則痛止宜以歸脾湯加炮姜重附片止其血而痛自止矣

薛新甫表弟不健甫內年五十辛丑患血崩諸藥罔效壬寅八月身熱體痛頭眩涕出吐痰少食眾作大

治。屢轉發熱。絕粒數日。余診之曰。脾胃久虛。過服寒藥。虛病未已。寒病復起。遂用八味丸。料一服。翌早
遂索粥數匙。再服。食倍。熱減。痛止。乃服八味丸。而愈矣。抑秋因勞役憂怒。病雖幸不大發。甲辰憂怒復
作。胸悶發熱。脊痛。腰痠。神氣拂鬱。或作中暑。遂崩血。便血。煩渴。引飲。粒米不進。皆情有時。脉洪大。按之
微弱。此血根之大內虛寒。而外假熱也。十全大補湯。加附子一劑。食粥三四匙。仍服八味丸。而始愈。
大尹王天成之內血崩。自服四物涼血之劑。或作或止。因怒發熱。其血大下。服前藥不應。更主降大腹脇
大痛。手足俱冷。余曰。此脾胃虛寒所致。先用附子理中湯。痛止。肢熱。又用補中益氣歸脾二湯。崩血頓
止。熱亦解。而食進神康矣。

錦衣楊永興之內血崩。過服寒涼之劑。其證甚甚。肚腹痞悶。飲食不入。發熱煩燥。脉洪大。而虛。余診之曰。
此脾經氣血虛而發熱也。當急用八珍湯。加炮姜以溫補之。稍遲則不救。彼不信。仍服止血降火之劑。
虛證蜂起。始信余言。為不謬。但惜緩不及治矣。

東垣治郭大方內經血暴崩。曾殞身失血。以後經數日一來。今次大下不止。脉沉細。而間有數衆。九數微
不利。四肢無力。氣喘短促。口晝氣皆不調。此心氣不足。飲食失節。脾胃虛弱。不化。故胃脘當心下作
痛。腸下急。當膈有動氣。虛證畢集。惟微治本。餘證可以皆去。製黃耆當歸人參湯三服而安。

薛新甫治一婦人。血崩兼心痛。已三年矣。諸藥不應。每痛甚。虛證甚。面色萎黃。此心主血。血去過多。心
無所養。以致作痛。宜十全大補湯。倍參朮。三十餘劑。稍愈。百餘劑全安。

一婦人年四十餘。久患血崩。面色萎黃。倦怠無力。或健忘怔忡。驚悸不寐。或心脾傷痛。飲食不進。薛診之。
脉大軟濡。曰。此思慮傷脾。不能攝血。以致經血妄行。故集崩不已焉。歸脾湯加熟地白芍。投百餘劑而
永不復發。健旺如常。

氣陽血脫明

東垣治一婦人經行黑血凝結成塊左脘有血瘕水瀉不止穀食有時化有時不化至今歲四月血塊暴下。水注並作。是前後二陰有形之血脫竭於下。無形之氣先已下陷。故水瀉日已四五行。不食則微滿。食則心煩不快。甚至飲食不進。形神困頓。曰夫聖人治病必本四時升降浮沉之理。經權常變之宜。若不本四時以順為逆。非其治也。且治之大法必先歲氣無伐天和。無盛盛無虛虛遺天殃。無致和無失正。絕人長命。故陽盛陰虛下之則愈。汗之則死。陰盛陽虛汗之則愈。下之則死。大抵聖人立法各有義。且如升陽以發散之劑。是助春夏之陽氣。令其上升。乃瀉秋及肅殺寒涼之氣。此病是也。當用此法治之。乃升降浮沉之至理也。夫天地之氣以升降浮沉。乃從四時如治病逆之。則殺人矣。故經云順天者昌。逆天者亡。可不畏者。夫人之身亦有天地四時之氣。不可止認在外。人體亦同天地也。今崩下不止。是前陰之氣血已下脫矣。水瀉又數年不愈。是後陰之氣陽已下陷矣。後陰者。主有形之物也。前陰者。乃精氣之門戶。今俱下竭。是病人周身之氣常行秋冬之令。陰主殺。此等降下之病是也。陽升陰長。春夏是也。在人身之中。今氣升浮者。穀氣上行故也。既病則周身血氣皆不升長。穀毒又不上行。其肌肉消少。是兩儀之氣俱將竭矣。既下元二陰俱脫。血氣消竭。假令當日原是執證。今下焦久脫。已化為寒矣。此病久沉失降。寒濕大勝。當急救之。瀉寒以熱。降濕以燥。大升大舉。以助生長補養血氣。不致偏枯。聖人立治之法。濕氣太盛。以所勝助之。助甲膽風木上升是也。余以補中調中清燥三才。并去連柏加桂附或姜附。迭舉三法調治半年而康復如常。

東垣治一女子月事不調。漏下惡血。或量多不止。多下水漿之物。此勞傷形體。心火乘脾。故痿怠嗜臥。四肢不收。氣喘短促。無氣以助。脈緩弱。急按之洪大。乃血脫氣陷。得之脾土受濕熱之邪也。投調經升陽

除濕湯。二服而病如失。

東垣治一婦久患血崩而黃乏力倦怠少氣脉大而滿此血脫氣弱脾胃受病也投益胃升陽湯半月愈赤白帶下

張子和治一婦病帶下連綿不絕白物淫溢已三載矣命子脉兩手俱滑大有方得六七至常上熱口乾眩暈時嘔酢水知其實有寒痰在胸中以瓜蒂散吐出冷痰二三升是即所嘔酢水也間有黃涎或如爛膠次以漿粥養其胃氣又次用導水禹功以瀉其下然後以淡劑滲泄之藥利其水道不數日而愈息城李左衛之妻病白帶如水竅漏綿綿不絕其穢之氣不可近身面黃食減已三年矣諸醫皆云積冷陽起石石硫黃事附之藥重重煑補污水轉多余斷之曰此帶濁水本熱乘太陽經其寒水不能甘固故如此也夫水自高而趨下宜先竭其上源乃湧度二三升次日復下污水十餘行至三遍汗出周身明日病人云污水已不下矣改用寒涼之劑清滌子宮服及半載後產一男

韓氏曰山妻年三十餘十八胎九殯七天會先君松藩難作賤兄弟皆西奔妻驚憂甚遂昏昏不自人事口唇舌皆瘡或至封喉下部虛脫白帶如注如此四十餘日或時少省欲自縊自悲不能堪醫投涼劑解其上熱則下部帶疾愈甚或投熱劑及湯藥薰蒸下部則上熱昏暈欲絕四弟脉之始知為亡陽證也大哭曰宗嗣未立幾誤殺吾嫂急以鹽煮大附子九錢為君製以薄荷汁佐以姜炭麥冬五味之屬水煎入井水冷與之未盡劑即覺身熱睡通霄覺即能識人時止一嗣子二女相抱痛哭疎戚皆悲執友趙憲長驚曰君何術也弟曰方書有之真對真假對假耳外乃假熱故以假冷之藥從之內有真冷故以真熱之藥反之斯外內和而病解矣繼以女金丹錯綜變化不但去其疾且調元氣庚子生一子今應襲也女金丹即勝金丸方見種子丹

一婦人腹脹脇痛內熱晡熱月經不調肢體痠麻不時吐痰或用清氣化痰丸喉間不利帶下黃赤兼青腹脇痛脹愈甚又用行氣之劑胸膈不利肢體愈麻此乃鬱熱傷肝脾血燥挾熱不能統攝津氣脉故軟滿弦數也朝用歸脾湯解脾鬱生脾氣又用加味逍遙散生肝血清肝大百餘劑而帶下諸證始愈一婦人久瘧寒熱發熱口渴體倦食少用七味白朮散加麥冬五味大劑煎服連飲瘧發稍可渴亦大減又用補中益氣湯加茯苓半夏而帶與瘧疾悉瘥

一婦人眩暈吐痰胸滿氣喘得食稍緩苦於白帶淫溢已二十餘年矣諸藥不應脉滑而軟此氣虛挾痰飲也痰飲去而帶自愈矣遂朝用六君子湯夕用六味地黃丸不一月而帶下諸證悉瘥

一婦人胸痞內熱口乾耳鳴喉中若有一核吞吐不利月經不調帶下淫溢不止六脉軟微數此肝脾鬱結痰熱不化而流注也余以歸脾湯加半夏山梔并麻柴胡間以四七湯下白丸子而愈

一婦人吞酸飽滿食少便泄月經不調服清氣化痰丸兩膝漸腫寒熱往來帶下黃白不止苦寒體倦脉滑而軟此脾胃兩虛濕熱下注用補中益氣湯倍參朮加半夏茯苓炮姜而愈

一婦人帶下赤白四肢無力余診之曰四肢者土也脉軟而滑此脾胃虛弱濕熱下注也以補中益氣濟生歸脾二湯並加白芍生地不一月而帶愈身康矣

一婦人帶下赤白怒則胸膈不利飲食少思或用消導理氣之劑痰喘胸滿大便下血脉濡緩大余曰脾氣虧損挾濕熱而不能攝血歸經故二陰俱有所下也先用補中益氣湯加炮姜白芍茯苓半夏化其濕熱以安營氣隨用八珍湯加柴胡山梔而諸證悉瘥矣

白淫門

一婦人性急善怒小腹時常痞悶小便瀉痛頻下白物淫溢甚於白帶或面青口苦寒熱往來脉得弦洪

瀉大。余以為積憤不舒，濕熱傷陰，而致先用龍胆瀉肝湯三服，而小便清利，瀉煩頓釋，改用加味道遙四劑，而寒熱亦解，補以八珍湯，加知柏數劑，而康復如常。

內外冷熱門

一婦人食少嘔逆，面黃腹痛，手足逆冷，月經不行，六脉沉細，此內外俱冷，陽虛不能鼓運其經血也。六君子湯加桂附姜苓，數劑而經行痛止，丸服而連生子女。

一婦人煩渴，惡寒嘔酸水，飲食不進，面赤帶青，六脉沉數，此鬱怒傷肝，火逆乘胃，為內外俱熱之證。黃連二兩，淡姜汁略拌，水煎濃汁細呷，以解內外積熱。嗣後漸加白朮、當歸、陳皮、炙草，以調血氣，以養胃氣，漸進稀粥，數飲，改用加味道遙散十劑全安。

冷熱內外真假門

一婦人乾嘔，渴畏風惡寒，大便秘結，手足逆冷，六脉沉數，此內真熱而外假寒也。先用黃連解毒湯熱服，取汗後，用六味丸而全愈。

一婦人初患痰喘，熱渴，醫以降大散氣治之，肌日削而氣日索，延至甲辰未旺，痰盛身熱，口腐，腹脹，神昏絕食幾死。此虛熱無大內有真寒，投以壯大生土之劑，隨服隨效。越數歲夏初，坐則頭墜，不能起，視卧則背冷，覺風透體，有時煩熱，眩暈，效嘔痰湧，手足厥冷，六脉沉伏，此內真寒外假熱，遂以姜附大補之劑投之，不三四日而大勢已平，仍以前藥加減而愈。

潮熱門

一婦人月經不調，飲食少思，日晡潮熱，脉滿虛數，此肝脾兩虧，氣血俱虛也。用十全大補湯加山萸、山藥、丹皮、麥冬、五味，以補斂虛陽，二十餘劑而霍然。

一婦人生育多胎月經不調兩足發熱年餘其身亦漸潮熱勞動則足跟痠痛又年餘唇腫痛發半年裂唇出血倦怠食少經傳不行脉滿弦數此氣血兩虛燥熱相乘肝腎之證彼誤服通經丸遂致不起一婦人足跟熱痛脉數虛軟此足三陰虛聖愈湯三十餘劑而安後發遍身瘙癢服風藥反潮熱搖擗脉數弦洪此血虛扶熱生風而肝病也以天竺黃牛胆星為丸四物同炙五味子連炙草山梔柴胡煎湯送下三四服遂愈

一婦素甘清苦勤於女工感冒風邪自用發散之劑反朝寒暮熱熱多寒少其脉或浮洪或弦細面色青白或萎黃此風邪雖去而氣血傷殘也用十全大補湯三十餘劑漸愈又用加味逍遙散調治半載而康

一婦人乾效無疾遇夜潮熱自汗盜汗倦怠面黃絕停食少脉軟弦數此血氣大虛而心脾鬱結也先服劫勞散改用歸脾湯調治年餘漸安

積聚門

一婦人小腹痞脹小便淋瀝時有白帶脉數洪滿此肝經濕熱下注也投之龍胆瀉肝湯四劑而痞脹退小便清改用加味逍遙散或加生地或加青皮調治三月而安

一婦人善怒多鬱小腹痞脹小水不利或胸乳疼痛脇肋痞滿脉滿弦滯此肝氣鬱而肝血不調也投以四物湯加柴胡青皮檳榔延胡而痛自止痞自消改用逍遙散加木香香附漸安

一婦人小腹痞脹內熱瞋熱小水不利體倦食少脉洪軟滿此氣血兩虛濕熱鬱於肝經也八珍湯加柴胡山梔龍胆車前調理三月而安

一婦人年三十餘內熱作渴飲食少思腹內初如雞卵漸大四寸許經水三月一至肢體消瘦齒頰似蒼

脉洪數而虛左關微瀯此肝脾鬱結氣血虛而不能統運成積也外貼何麴膏午前用補中益氣湯午後用加味歸脾湯兩月許肝大稍退脾土漸健午前用補中益氣湯下六味丸午後用逍遙散下歸脾丸又月餘日用蘆薈丸二服朝以逍遙散送下日晡以歸脾湯下喜其謹疾調理半年而愈

一婦人腹內一塊不時上攻或作痛有聲或吞酸痞滿月經不調小便不利已二年餘矣面色青黃脉數弦瀯此肝脾氣滯過熱不化而隨熱冲逆也以六君湯加芍歸柴胡炒連木香炒萊二劑却與歸脾湯送下蘆薈丸三月餘肝脾和而諸證退又與補中益氣湯加茯苓丹皮中氣健而經亦調矣

一婦人多鬱憂勤於女工小腹內結一塊或作痛或痞悶月經不調恪服伐肝之劑內熱寒熱胸膈不利飲食不甘形體日瘦脉軟數弦瀯此脾土不能生肺金肺金不能生腎水腎水不能生肝木當滋培化源用補中益氣湯六味丸分朝兼進年餘而諸證悉痊

一婦人經候過期發熱倦怠或用四物黃連之類反兩月一度且少而成塊又用峻藥通之兩目如帛所蔽腹中痞悶脉軟微瀯薛新甫曰脾為諸陰之首目為血脉之宗腹為血氣之都會脾之所主也蓋脾一受傷則五臟皆為失所不能統運於腹而上奉於目也隨以補中益氣濟生歸脾二湯專主脾胃年餘而康復如常

松江太守何恭人性善怒腹結一塊年餘上齧蝕損血氣極虛時季冬肝脉洪數按之弦緊此至虛有盛候即是假脉醫者不能細察反用伐肝木清胃火之劑病不稍退姜垣轉增余用八珍湯以生血氣地黃丸以滋腎水肝脉頓平證勢亦退後因大怒耳內出血肝脉仍大煩熱乾渴此無根之火不能歸源而迫血也仍以前藥加肉桂二劑脉飲熱退血亦隨止復因暴怒厥脫於季秋辛巳乃全愈也

余遇一卒說拙妻為室女時心下有冷積如覆杯按之作水聲以熱手熨之如冰堅求已十五年矣恐斷

一女月經來時專在下注之期問其色紫知為血熱服涼血藥以緩之則血氣和而經來漸淨按至切頭色淡短少服養血和血以滋血室俟經色純正便可靜候生育矣明年出閣不年餘而果生一子

一婦人體肥太過子宮脂膜長滿經水雖調亦不能有子投以消脂膜開子宮藥二三十劑明年果生子浮腫明

一婦人年三十餘經水斷絕月餘漸漸周身浮腫脉緩數滯滯此血化為水椒仁丸作湯三服而經水先通再服而腫全消矣

一婦人年四十小水先不利漸漸喘滿浮腫以後經水斷絕不來脉沉滯尋按值滑此水壅阻經道專治水蘆丸三下而腫全消丸服桑白皮散而經行如常度矣

前陰諸疾門

一婦人年二十餘內熱煩渴倦怠食少陰中悶痒小水赤澀脉沉弦數此鬱怒傷損肝脾濕熱乘虛下注加味逍遙散調治一月而安

一婦人年三十餘陰內痛甚作痒時常出水食少體倦脉軟濡數此肝脾氣虛濕火下注用歸脾湯加生白芍牡丹皮黑山梔生甘草四劑而病減久服而全安

一婦人年四十二陰內痒痛里常內熱倦怠飲食少思脉軟弦數此鬱怒傷損肝脾元氣下陷濕熱留滯陰中宜用參耆歸木陳皮柴胡炒山梔重前子升麻白芍丹皮茯苓十劑漸減久服而全安

一婦人陰中突出如菌四圍腫痛小便頻數內熱晡熱似痒似痛小腹重墜脉軟濡數此肝脾虧損濕熱鬱結而腫痛似痒元氣下陷而小腹重墜也先以補中益氣湯加山梔茯苓重前子青皮以清肝大升脾氣更以加味歸脾湯調治腫鬱外以生豬油和黎蘆葉塗之而收腫熱痛痒悉除矣

一婦人年四十。勞後陰中挺出五寸許。則痛重。陰水出淋瀝。小便澀滯。脉軟洪滿。與龍胆瀉肝湯分利濕熱。朝用補中益氣湯。升補脾氣。諸證悉愈。惟陰挺未收。再與歸脾湯加川芎。山梔。黃柏。牡蠣。煎服。外以葱白。歸全。紅花。煎湯薰洗。搽上安臥。然後服藥數劑。後每次如此。不復下脫矣。

一婦人陰中寒冷。小便黃澀。內熱。哺熱。口苦。脇膨。脉數洪滿。此肝經濕熱。熱蘊濕鬱之極。而反冷也。用龍膽瀉肝湯。姜汁拌蒸。以解其直熱。假冷。更以加味道遙散。加姜汁炒龍胆二十餘劑。而陰中漸煖矣。

一婦人陰中冰冷。寒熱嘔吐。兩股腫痛。脉沉洪弦。是怒動肝經濕熱。下注為患。先用小柴胡加山梔一劑。寒熱嘔吐頓止。次用龍胆瀉肝湯。亦用姜汁拌蒸。數劑。而腫痛全消。陰中亦不復冰冷矣。

一婦人陰中寒冷。小便澄清。腹中亦冷。飲食少。大便不寔。脉沉數細滿。此下元虛冷。大土不生也。治以八味丸。飲食漸進。大便漸寔。一月餘。而諸證皆退。健旺如常矣。

一女子年二十四。交接後。輒出血不止。脉軟虛數。此肝之相火。傷犯脾腎之元。不能吸血歸藏。故精泄後。血亦隨之溢出也。當以補陰益氣煎。蜜丸常服。加之節欲靜攝。尋年無不自愈。

一男子交接後。頭痛。脉象細數。此根氣未固。虛陽不攝。當投補中益氣湯。加附子。肉桂。白芍。熟地。常服自愈。
補陰益氣湯。人參。兩半。黃耆。三兩。山藥。三兩。阿膠。三兩。白芍。兩半。炙甘草。五錢。熟地。五兩。升麻。錢半。柴胡。三錢。

胎前門

一婦人年二十七。月經不行。已三月矣。或疑經閉。命予脉之。脉數沖和。尺部滑疾。謂非輕病。乃妊子也。令服芎歸湯。腹中微動。為有孕。越數月後。果產一子。

一婦人領一女子來診。脉數微弦。舉按似有沖和之象。謂其天癸不來。必一月有餘矣。彼應之曰。然。自經淨至今。恰三十二日也。余令即服烏雌雞湯。二月時服紫蘇湯。三月服黃雌雞湯。保其成孕。勿使消散。

四月時服菊花湯五月服阿膠湯六月服麥門冬湯七月服葱白湯護其胎元勿使下墮八月時服芍藥湯九月服安胎飲十月服冬葵子湯養其血氣使之順產後果生一男神旺氣充而易育也

亞阻門

一娠婦二三月間惡心嘔吐氣逆痰多胸滿食少脉滯數滑此胎雖虛帶邪過廣浮與陳皮半夏湯一吸而安

一孕婦三四月間頭目眩暈嘔吐痰涎惡聞食氣嗜好酸鹹多臥少起肢體煩疼脉虛浮滑此氣血虛而痰飲不化也與半夏茯苓湯三吸而諸證皆退飲食亦進而神氣健旺如常

一婦人妊娠煩心眩暈嘔涎沫或時胸滿惡食或時心嘈易飢脉數弦滑此胎氣上壅痰熱隨之升降與青竹茹湯三吸而病如失

一婦懷孕氣逆嘔吐煩熱心嘈脉滯沉數此胎熱氣逆胃火上冲也與蘆根汁湯一吸而安再劑而病不復作後以加味道遙散去丹加地或倍木加連直至胎成順產無病勿藥

胎動門

一孕婦心煩口燥胎動不安飲食少進倦怠乏力脉數弦虛此血虛被熱而胎失所養也令服安胎飲加生地白芍三劑而稍減繼以金匱當歸散加生地牡蠣四劑而全安切戒登高舉重庶免墮胎之患

一孕婦勞過度衝任有傷胎失所養而胎動不安脉數弦細令服膠艾八珍湯數劑稍減丸服而全安

胎漏門

一婦人懷孕四五個月經血忽下腰腹痠痛脉數虛弦此肝經風熱血燥不能榮養其胎而經血滲漏也令服加味道遙散去丹皮加生地杜仲血餘炭數服而安

一孕婦房勞太過衝任脉傷經血漏泄故胎動下血勢不可遏脉軟清數重按無神今急服補陰養氣煎加血餘炭赤石脂炒黑荷葉灰按灰數服血止胎安丸服而胎成順產矣

子煩子躁門

一婦人素奉膏粱縱恣醢酒懷娠至五六月心煩肉跳不寧脉數洪大此胃大乘心濕熱浸淫於肌肉也先服竹葉石膏湯三劑而煩熱退後以加味黑逍遙散去丹皮加麥冬牡蠣數劑而心煩肉跳全安矣
一孕婦房勞太過心腎失養一日朝飢後忽躁擾不寧終宵不寐獨言獨語若有神靈所附脉之虛浮急至重按少神急以知柏地黄湯去丹皮澤瀉加人參五味麥冬數劑而神志寧靜丸服而胎成順產矣

脹滿門

一婦人飲食停滯心腹脹滿或用人參養胃湯加青皮枳殼山楂其脹益甚其胎上攻惡心不食右關脉浮大按之則弦此脾土受傷肝木抑鬱而相乘也用六君子湯加柴胡升麻而愈後小腹痞滿用補中益氣湯升舉脾氣而瘥

一婦人腹脹吐逆小便不利諸醫雜進溫胃寬氣等藥服之反吐轉加脹滿湊心驗之胎死已久服下死胎藥不能通因得鯉魚湯三五服大小便皆下惡水由是腫消脹去方得分娩死胎此證蓋因懷妊腹大不自知覺人人皆謂妊孕如此終不知胎水之為患也

一婦人傷胎腹滿不得小便從腰以上重如有水氣狀七月太陰當養不養此心氣衰當刺營宮闕元小便利下死胎而愈

一婦人日難產遍服催生藥不下予曰此必坐草太早心懷畏懼氣結不行非不順也素問曰恐則氣下

益忍則積却却則上焦閉。閉則氣還。還則下焦脹。氣不行矣。投以本事方一服。胎下而愈。
一婦人有孕七八個月。遠歸。忽覺胎上衝心而痛。坐臥不安。兩醫治之無效。遂說胎已死也。用單麻子研爛。和射香貼臍中以下之。命在垂危。召陳方甫診視。兩尺脉絕。他脉平和。陳問二醫作何證治之。答曰。死胎也。陳曰。何以知之。曰。兩尺脉沉絕。以此知之。陳曰。此說出於何經。二醫無答。陳曰。此子懸也。若是胎死。却有辨處。面赤舌青。口中和。潤于死母活。面青舌赤。口中吐沫。母死子活。唇口俱青。子母俱死。今面不赤。舌不青。其子未死。是胎上逼心。心氣不降。故兩尺脉絕也。宜以紫蘇飲治之。投至十劑。尺脉起而胎安順下矣。

心痛門

一婦妊娠心痛。煩熱作渴。脉數虛。用白朮散即愈。後因停食。其痛仍作。胸腹脹滿。按之愈痛。此因飲食停滯。用人參養胃湯按之不痛。乃停滯已化。脾胃受傷也。六君子湯調補而痛脹全瘳矣。

一婦素有心庖疾。受孕之後。不時舉發。諸醫雜治罔效。延至四月。適小腸經脉養胎。其痛牽臍。不可忍。命予脉之。弦細而緊。此手太陽受邪。即女子之疝也。投以大龍散三啜而痛如失。

腹痛門

一婦受孕之後。時常腹痛。延至四五個月。其痛尤甚。其與發瘧無異。時予脉之。脉虛弦數微滿。此血虛氣滯。不能運化以養胎也。投以香砂四物湯三劑而痛減。後以黑逍遙散加木香香附四劑而全安。

一婦妊娠六七月。忽然腹痛。其胎近下欲墮。予脉之。軟大而濇。此衝任血氣大虛。不能承載其胎也。投以補中益氣湯。加熟地當歸。數劑而胎安痛減。後以八珍湯加木香香附。服一月而全安。

心腹痛門

一妊婦心腹作痛吐痰食少胎氣上攻弓子脉之虛滑弦滯此脾虛氣滯不能運化而生痰也投以六君子湯加柴胡枳殼而痛退食進又用四君子湯加枳殼山梔桔梗而安後因怒氣兩脇作脹中脘疼痛復兼惡寒嘔吐仍以六君子湯加柴胡升麻木香一劑而退如當歸白芍四劑霍然

一妊婦心腹作痛胸脇膨脹兼吞酸不食此肝脾氣滯而不能運化也脉弦滯微數投以二陳湯加山查山梔青皮木香而愈又後因怒氣而痛復作胎動不食面色青黃肝脉弦緊脾脉弦長此肝木乘土用六君子湯加升麻柴胡木香而全愈

腰背痛門

一娠婦頸項強直腰背作痛脉象弦浮此膀胱經受邪宜從太陽經治用拔萃羌活湯一劑而痛減改用獨活寄生湯二劑而全瘳後以八珍湯加秦元杜仲調補而胎安產順矣

一婦人懷妊八月腰痛不能轉側大便燥結醫用人參等補劑痛勢益加用硝黃通利藥燥結雖行而痛勢如故邀汪石山診之脉稍洪近駛曰此血熱血滯也投以四物湯加木香乳香黃柏麻仁煎服四五劑痛勢減而燥結潤復加發熱面赤或時惡寒此熱化滯行乃從外泄也仍以前方去乳香黃柏加柴胡黃芩二劑而寒熱除又背心覺寒腹痛復作汪診脉已平和近軟此熱滯去而元氣虛不能外衛以守中也於前方去黃芩加人參三劑而諸證悉退胎孕全安

小腹痛門

一婦人妊娠以後常患小腹痛脉數虛弦重按細濡此肝脾血虛風寒外搏痛甚亦能墮胎亟以逍遙散加川棟子小茴香數劑而痛退胎孕全安

一婦人懷孕小腹痛其胎不安氣攻左右或時逆上小便不利脉數沉弦此肝大鬱滯肝氣不能發越

也。投小柴胡湯加青皮、山梔、清肝、大化肝氣，而愈。後因暴怒，氣逆，小腹脹滿，小便不利，水道重閉，胎仍不安。此亦肝木盛而肝火熾，用龍胆瀉肝湯一劑，脹退，痛安，水道便利，乃以四君子湯加升麻、柴胡、培土升陽，而胎順全安矣。

子腫子氣門

一婦妊娠，自三月成胎之後，兩足脚面浮腫，以及腿膝，漸至周身喘急滿悶，行步艱辛，脉虛弦滑，此為子腫。投全生白朮散數服，而腫退，食進，繼以千金鯉魚湯、紫蘇飲，間服一月，而胎孕全安。

一娠婦四五個月後，遍身浮腫，飲食如常，脉緩沉澹，謂之子氣。投天仙藤散四服，而腫勢頓減，改以四君子湯加木香、蘇梗，日漸調理，至彌月，進紫蘇飲三服，當晚分娩，而腫勢全消矣。

傷食門

一妊娠婦人，因停食服枳朮丸，胸膈不利，飲食減少，更服消導，實胸之劑，其胎下墜，小腹重滯，全診脉軟弦滑，此脾氣傷而不能永載其胎也。先用補中益氣湯四劑，升舉其胎，後以六君子湯調其中氣，俾飲食如常，改用八珍湯補其氣血，而胎孕全安。

一婦妊娠之後，飲食不節，脾胃不調，時常腹痛泄瀉，即以六君子湯調其中氣，改用八珍湯數服而安。

傷寒門

一娠婦寒熱頭疼，惡寒身痛，脉數弦滑，此邪外盛，營氣被遏，而清陽不伸也。投以羌活、蒼朮、蘇飲一汗而寒熱頓解，疼痛亦退，惟胎動不安，飲食少進，投以紫蘇飲三劑，而胎安食進，健旺如常矣。

一娠婦傷寒汗出後，惡寒已罷，潮熱不解，脉數弦濡，投以黃龍湯三劑，而身熱頓解，後以加味道遙散去丹皮，加地骨皮，而康復如常矣。

中風門

一婦妊娠六七個月。一日清晨昏仆。移時甦醒。語言最安。手足搐搦不已。脉象弦數。此木旺風淫。乘於心之候也。先以羚羊角散三劑。而神志清。語言靜。惟搐搦未定。小水頻數。更以加味黑逍遙散。去丹皮。加池菊水煎。去渣。冲竹瀝姜汁數匙服。

丹溪治一婦人。懷孕六個月。忽然癰發。手揚足擲。面色紫黑。合眼則口角流涎。昏仆不省人事。半時而甦。醫與震靈丹五十餘服。其疾時作時止。毫無減證。直至臨產時。方目愈。產一女。尋中子母皆安。次年其夫疑其毒必發。求治之。診其脉浮取弦重取瀉。接至骨則沉。是數滯。此風大內鬱而生疾也。時當二月間。因未見癰發證狀。未敢與藥。音其舊歲發癰時在五月。欲靜待其時。料此疾必復作。當審證施治。至五月中。其疾果作。皆在巳午兩時。遂教以自製防風通聖散。用甘草多加桃仁。少加紅花。或服或嘔。至四五十劑。湧出涎痰斗餘。疾漸疎而輕。後亦身發瘡而愈。

一婦人懷孕之後。欲語無聲。遂至不語。舉家驚惶。遂予診之。曰。此名子瘡。非病也。不須治之。黃帝問曰。人有重身九月而瘡何也。岐伯對曰。胞之絡脉絕也。帝曰。何以言之。岐伯曰。胞絡者。繫於脉。少陰之脉貫腎繫舌本。故不能言。帝曰。治之奈何。岐伯曰。無治也。當十月復效。嗽門。

一娠婦效嗽不已。效甚則大便遺出不禁。脉之虛軟微數無神。此腎陰虧損。肺氣不足。不能收攝。而司開闔也。朝用補中益氣湯加麥冬五味以培土生金。夕用地黃湯合生脉散以收攝腎氣而安。

一娠婦久效不止。其痰上湧。日吐五六碗許。諸藥不應。脉虛數無神。此氣陰兩虧。不能收攝邪水。而水泛為痰也。朝用地黃湯。夕用四君子湯。更迭調治。數服稍減。一月全安。

一孕婦因怒嗽嘔吐痰涎兩脇作痛脉沉弦數此肝火侮金肺失清肅也全福化湯加羚羊角山栞生地調治三日而減後以潤肺抑肝半月而全安

喘急門

呂滄洲治經年哈散待人病喘不得臥眾作肺受風邪治之呂診之氣口盛於人迎一倍厥陰弦動而疾兩尺俱短而離經因告之曰病蓋得之毒約動血致胎危不下奔迫而上衝非風寒作喘也乃用催生湯加芎歸煮二三升服之夜半果下一死胎喘即止哈散遂囑曰病安誠有懷以望人見嫉故藥去之眾所不知也眾慚而去

一婦娠六個月性怒氣逆喘急不寧已數日矣脉弦而疾以全福化湯加抑肝順氣之藥三服而安臥如常

吐血衄血欬血門

一婦妊娠三四個月母晨吐血升餘飲食如常脉數洪大此胎熱傷陰胃火迫血也投以犀角地黃湯加黃芩石羔去丹皮三劑而血止去石羔加阿膠知母數劑而全安

一婦妊娠六七個月傍午或午後必衄血如注起居不長飲食少減脉數弦滑此肺家伏熱傷血分而上出於鼻也投以黃芩清肺飲四劑而血定後以加味黑逍遙去丹皮加桑皮黃芩麥冬數服而衄不再作矣

一婦素有欬嗽懷孕至六個月後母欬燥痰必帶鮮血脉數虛弦飲食減少此血虛挾熱肺金受劫而動血妄行也如不早治即種毒勞之根投以二地二冬二母湯加阿膠白芍三十餘劑直至分娩欬嗽雖未全定而血不復來矣

瘧疾門

一婦妊娠六七個月患瘧寒後熱六脉浮緊醫用柴胡桂枝無效予曰此非常山不愈恐其難之越數日後瘧勢甚難禁仍從予言投以七寶飲一服即瘥

一婦妊娠三四個月即患瘧疾先寒後熱熱多寒少脉數弦浮飲食減少投以黃龍湯四五劑而寒熱俱減改用逍遙散而飲食漸進數劑而瘧疾全瘳矣

霍亂門

一婦人妊娠四五個月忽然嘔吐泄瀉手足揮霍眼目撩亂脉數弦花此外感風寒挾暑濕而脾土不能勝受其邪也改用香蘇飲白朮砂仁厚朴霍香一劑頓止改用四君子湯加木香砂仁沖藿香露而全瘳

一娠婦上吐下瀉勢甚發厥水穀不得入口六脉已脫法在不治投以調中湯一劑吐止陽回脉起食進改用調中養營湯三劑而全安瀉亦止矣

調中湯用熟地四錢葛根錢半白芍錢半厚朴八分白朮錢半藿香三錢木香八分茯苓三錢甘草五分

泄瀉門

進士王徵之內懷孕泄瀉惡食作嘔余診之脉象沖和右關微滿此飲食不節脾胃滯氣不化不能分泌清濁也其夫憂之強進米飯余謂飲亦尚能滯氣先以砂仁霍香煎汁飲之使宿滯化則脾胃和自能進食而嘔瀉無不定後果不藥而瘥

一婦懷娠泄瀉六脉弦虛此脾土虛而不能勝其運化也投以四君子湯加山藥扁豆白朮木香數劑而泄瀉頓止胎亦全安

痢疾門

地官胡成甫之內懷娠久痢自用消積理氣之劑腹內重墜胎氣不安又用何膠艾葉之類不應余於脉軟微數此氣血兩虛清陽下陷而不能承載其胎故腹中重墜胎動不安也遂用補中益氣湯加白芍木香而胎漸安痢漸稀改用香砂異功散加黃歸白芍而痢下全瘳矣

湯總兵夫人懷娠病痢不止壹仙翁診之其脉虛而滑兩關獨滿此血氣不足相火炎灼而有似乎熱痢寔非痢也乃用黃芩白芍以安胎四物湯換生地黃以養血數劑遂安

大小便不通

亞卿李浦汀側室妊娠大小便不利或用降火理氣之劑元氣反虛轉加脹悶肝脉弦急脾脉遲滯視其面色青黃不澤余曰此鬱怒傷陰肝脾之氣不能輸化乃大虛證也遂以歸脾湯加山梔木香而大便先通改用加味道遙散去丹皮加生地數劑而二便通利胎亦全安

王政王天成之室妊娠痢疾愈後二便不通其家世醫自用清熱之劑未效余症其脉浮大而滿此血氣兩虛津液無以下潤也朝用八珍湯加麻仁杏仁夕用加味道遙散去丹皮加車前子數劑而二便通利胎亦全安

小便不通

吳宅寵人胎盤膀胱胞系了戾小便不通丹溪症其脉兩手似滿重取則弦曰此得之憂患所致夫滿為血少氣多弦則為結有飲益血少則胞弱而不能自舉有飲則氣溢而不能承載故胎元下墜而膀胱失職也遂以四物湯加參朮半夏陳皮生薑生薑空心煎飲以指探喉中吐出藥汁少頃氣定又與一貼次日亦然如是八貼而胎自還復小便通利如常

一婦人四十一歲懷孕九個月轉胞小便不出已三日矣下急脚腫不堪存活來告急余往視之見其

形摩脉之右濡而左稍和。此飽食而氣傷胎。系弱不能自舉而下墜。感著膀胱偏在一邊。氣為所開。故水穀不利。小便不通也。遂以人參歸身白芍白朮半夏炙甘草生薑煎濃汁。與四貼。任其吐嗽。至次朝。又與四貼。藥渣併作一貼。煎令頓服之。探喉令其吐出。皆黑水。小便立通。後就此方加大腹絨和殼蔥青砂仁與二十貼。以防產後之虛。果得就寢。平安。產後亦健。

一婦人妊娠七八個月。患小便不通。諸醫不能利轉。加急服診其脉細弱。意其血氣虛弱。不能承載其胎。胎重墜下。壓住膀胱下口。因此溺不得出。用補藥升扶。則胎起而小便自下。若藥力未至。愈如急滿。當令老練穩婆用香油塗手。自產門入內。托起其胎。則溺出如注。而脹急無不自解。一面卻以人參黃耆升麻大劑煎服。如或稍有急滿。仍當手托取溺。如此三七日後。則元氣漸完。而胎氣漸舉。小便無不常。

一司徒李杏岡仲子室。孕五個月。小便不利。諸藥不應。余診六脉細數。曰。非八味丸不能効。不信。仍用分利之藥。遂肚腹腫脹。喘急不眠。以致不救。

儒者王文遠室重身。患小便不通。小腹腫脹。喘急不能安臥者。已三日。幾至危。余診六脉細數。重按無神。用八味丸一服。小便滴瀝。再以前丸加車前子一劑。即利。肚腹頓寬。而產順全安矣。

一婦妊娠飲食如故。煩熱而倚息不得臥。此名轉胞。不得溺以胞系了戾致此。但當利小便。則愈。腎氣丸去丹皮牛膝主之。

腎氣丸即八味丸加車前子淮牛膝

淋瀝門

一婦妊娠六七個月。溺出痛。淋瀝不斷。脉帶沉數。此濕熱積於膀胱。氣不施化而溺澁不利也。先投五淋散服三劑。而痛稍減。又以導赤散加麥冬山梔黃芩。知母數服。而小便清利。後用加味魚道遙散。

去丹皮加麥冬知母調理一月而精神倍加

一孕婦患淋血赤瀉崩脉數沉瀉此熱結水府傷血室而阻塞溺數也先投加味木通湯利其溺數而瀉痛減又以知柏地黄湯去丹皮加山梔麥冬數服而血自止後以八珍湯加麥冬知柏調理一月而全安遺溺明

一娠婦遺溺內熱煩燥肝脉洪數按之濡弱或兩太陽疼或兩脇肋脹余以為血虛肝火不能攝水而自遺也投加味道遙散去丹皮加醋炒龍胆草又以六味丸料去丹皮加麥冬五味尋愈後因患怒或寒熱或身熱不亞寒前證仍作更以逍遙散八珍湯兼清肝火養肝血更迭調治而安

一孕婦房室不慎忽然小便遺出不禁脉數虛軟此腎虛膀胱之氣不能收攝而遺溺也投以六味丸料去丹皮澤瀉合生脉散加金櫻子覆盆子數服而安

溺血門

一婦妊娠因怒溺血頃刻食少胸乳間作脹脉弦洪瀉此血虛挾肝火而血動也投加味道遙散去丹皮六味地黄丸去丹皮澤瀉兼服漸愈又用八珍湯加柴梔麥冬知母而全安

一孕婦素嗜膏粱性耽醢酒積熱陽明有傷血室而溺血不止也脉數洪瀉先投清胃散去丹皮加白芍知母三劑而血減又以生地黃丸數劑而全愈後以加味黑逍遙散去丹皮加麥冬知母而臨蓐平安產後亦健

眼目門

一婦將臨月忽然兩目失明不見燈火頭痛眩暈項腮腫滿不能轉頸諸治不瘳反加危困偶得消風散服之病減七分復安分曉且眼吊起一邊人物不能辨識乃以四物湯加荆芥防風兼投眼科天門冬

飲子。二方間服。日漸稍明。須忌酒麵煎炙雞羊鵝鴨。豆腐辛辣熱物。并禁房室過勞。此證因懷孕之後。多用爐火。衣著太煖。致伏熱在內。而生病也。

臟燥悲傷明

一婦人妊娠。忽然無故悲泣不止。或謂之有夢。祈讓請禱。備至。終不應。予憶金匱有云。婦人藏燥。悲傷欲哭。象如神靈所附。宜甘麥飲。今煎急服而安。

一婦人妊娠。無故悲傷。欲哭。與甘麥大棗飲。劑而愈。後復患。又用前湯。佐以四君子湯。加山梔而安。

一娠婦悲哀煩躁。其夫詢之。曰。我無故。但自欲哭耳。脉虛數微瀼。此氣血兩虛。虛陽內鬱。而神志不伸。故欲哭。宜淡竹茹湯為主。佐以八珍湯而安。

妊娠下胎門

大中丞許慎微公。向令金壇時。夫人胎漏。醫治不止。公欲因勢逐之。下之議於余。余令服佛手散。以為可安。即安。不可安。即下。順其自然而矣。既服。公憂疑不決。女科醫者檢方。以進。用牛膝一兩。乃令酒煎服。公遂信而服之。胎果下。余時有從母之戚。未及知。此知而馳至。則聞盈庭皆桂麝氣。蓋因胞衣不下。女醫又進香桂散矣。血遂暴下。如大河決。不可復止。急煎獨參湯。未成而卒。公哀傷痛恨。無已。記之以為世戒。

防胎自墜

一賈氏婦人。懷娠至三個月左右。其胎必墜。丹溪診其脉。左手大而無力。重取則瀼。知其血少。不能養胎也。以其妙年。只補中氣。使血自滋榮。時當初夏。教以濃煎白朮湯。下黃芩末一錢。服四十貼。遂得保全而生一子。

一婦年三十餘或二三月或三四月其胎必墮索其性情多怒色黑氣膏脉象沉數此相火太盛不能生氣育胎反食氣傷精故也因令住經第二個月即煎黃芩白朮當歸甘草服至三個月盡果得胎成而生一子。

一婦住經三月後尺脉或軟瀟或微弱知是子宮真氣不全故陽不施而陰不化精血雖凝終難成胎至產血塊或產血胞令服十全大補湯加附子紫石英五六十劑而果生一子。

一婦腹漸大如懷子狀至十月求身產藥養其神困脉弱決非好胎難與之藥不數日果生白虫半桶蓋由此婦元氣太虛精血雖凝不能成胎而為腐穢蘊積之久反從濕化為熱濕熱生虫而似懷孕也其婦不及一月而死。

一婦形長瘦色黃白性燥急年三十餘常患遺胎病已七八見矣汪診其脉皆柔軟無力兩尺雖浮不任尋按曰此胎墮太多氣血耗甚胎無滋養故頻墮耳。壁是水涸而木枯土削而木倒也況三五月正少陽大動之時加以性躁而急發動炎威故胎多墮於此際也宜大補陰煎如黃柏黃芩煎服仍以此藥研末密丸服半年則胎固而連生二子。

一孕婦病醫言胎防其墮錢仲陽診之脉偏弱曰娠者五藏傳養率六旬乃更候其用當偏補之何公墮已而母子皆全。

一婦有胎四月墮下俞旬腹腫氣喘發熱面赤舌青口鼻俱瘡陳斗品診之脉洪盛曰胎未墮面赤口鼻瘡心火盛而液乾也舌青氣喘熱肝亦枯而胎死矣內外人皆曰胎墮已久復診色脉如前以蛇蛻煎湯下平胃散三錢加芒硝歸尾一倍服之須臾腹鳴如雷陣痛引腰痛甚則復下一死胎病亦愈。

一婦年近四十重氣素弱自去其胎五月內漸漸腹脹如臍至心前吐不能食用補不効程仁甫診之六

脉微弱但只叫脹死此乃損傷脾氣而脹甚急則治標以桃仁承氣加枳實厚朴倍硝黃則服四分中吐其一次早仍脹急不通又服琥珀丸三錢至申時大便通而脹減但倦怠無力發熱口渴再用參耆歸芍香朮陳皮八劑而漸安

一汪錫妻三十五歲嚴產誤服打胎藥下血如崩旬餘腹痛一陣即行或時鼻衄諸藥不效汪應宿診六脉數而微弦乃厥陰之火之逆迫血上下妄行投以四物湯換生地加阿膠石脂粉炒及炒黑山梔炒黑蒲黃一劑而減四劑而全愈矣

墮胎門

一婦妊娠五個月自服煎紅丸胎即墮腹中脹痛服破血藥蓋甚手按之愈痛脉數軟瀟薛曰此峻藥重傷脾胃不能運化濁血而然非有膏滯也投以八珍湯加枳殼木香半夏乳沒二劑而痛止脹減數劑而全愈矣

史仲子室年甫二十因疫墮胎因致服清肺解表反加喘急不寐請薛診之脉軟數而濡曰此脾土太虛不能生肺金而濕伏不化藥重傷之故喘與補中益氣湯加茯苓半夏五味炮姜四劑漸減又與八珍湯加五味子及十全大補湯而全安

胎不長門

一婦妊娠六個月體倦怠面黃晡熱而胎不長因稍勞欲墮脉軟虛數此氣血虛而不能固護其胎也投八珍湯倍加參朮二十餘劑使脾胃健旺則血氣日足胎得所養而無不長矣

一娠婦因怒腸痛寒熱嘔吐胎至八個月而不長脉數弦軟而滑此肝脾鬱結邪遏不解血氣不能榮運養胎也投以六君子湯加柴胡紫蘇山梔枳殼桔梗而諸證悉愈胎亦漸長矣

欲產非期門

一婦妊娠甫經七個月似時欲生產而胎未下余診脉數虛瀉此血虛熱迫胎不能安也法當涼血安胎投知柏四物湯加人參甘草三十餘劑而胎漸安後以八珍湯加知母山梔又三十餘劑則胎孕足月而產亦順矣

一婦妊娠十個月有餘夫疑其胎有要請余診之脉微數不滑此血液虛而氣滯也法當補血行氣投四物湯去白芍加香附木香砂仁枳殼而胎微動產尊順利也

一婦妊娠八個月胎欲墜似產臥久不能安日晡血甚此血氣虛竭不能固護其胎脉弱無神先投補中益氣湯加白芍以挽其下趨之勢數劑則胎漸安遂以八珍湯加續斷杜仲三餘劑則胎孕足月而產亦順利矣

鬼胎門

一婦年三十餘斷經八九個月肚腹日漸脹大面色或青黃服胎症藥不應余診之脉濡面黃往來寒熱病在肝胆面黃腹大困倦拒食病在脾胃此非正胎乃鬱結傷肝脾而胆胃氣化不清鬼胎得以乘之召曰鬼胎余以歸脾逍遙二湯合服下斬鬼丹三錢下汚血濁水甚多內有一胞胞內血塊酷肖鬼臉故筆之以誌異云

難產門

苗州王美人懷子而不乳召淳于意診之脉滑疾不弱投以良湯藥一服酒下之胎立產復症脉躁疾此病氣有餘非虛也即飲以硝石一劑遂下血如豆版而愈

一婦難產七日不下且飲食甚少伯仁診之脉雖和平尋按澀澹令以涼粥一盂鴉楓葉煎服調啖之旋

即產或詰其故曰此婦飲食甚少未有穀氣不元而津液獨旺者且楓葉先生先落後生後落故作湯以引之也

一婦產七日而子不下百治不効龐安常診之脉滑疾令其家人以熱湯溫其腰腹令者夜平臥為之拊摩胸腹上下孕者覺腸胃微痛呻吟生下一男其家驚喜而不知所以龐曰兒已出胞但一手誤執母腸不能脫非藥所能治吾隔腹捫兒手所在鍼其虎口痛即縮手所以遂生取兒視之右手虎口鍼痕存焉神乎其神矣

一婦難產三日不下服破血行經之藥俱罔效吳診之脉沉便秘為製一方車前子為君冬葵子為臣白芷枳殼為佐已服藥半即產眾醫異之吳曰毛詩採芣苢之義以防產難是也

一府判女產不利已斂劉取紅花濃煎令扶女子登上以綿帛蘸湯膏之連連澆帛上以器盛湯又煖又淋久而甦醒遂生一男蓋遇嚴冬血冷凝滯不行血煖即產見亦神矣

一醫宿客店值店婦產數日不下下體已冷無藥其君脉遲緊令以椒桂姜茱煎濃湯可下手則和臍腹產門處皆淋洗之使氣煖血行遂產

交骨門

地官李孟卿娶三十五歲女為繼室慮其難產索加味芩歸湯備用至期果產門不開只服一劑頓然分娩

上舍費懷德之室產門不開兩日未生服加味芩歸湯隨藥熱而即產矣

一婦人分娩素易至四十歲時妊娠臨蓐下血甚多產門乾澀不開投以加味芩歸湯加冬葵子三錢白蜜一杯一劑未下又以無憂散煎餘煎汁時飲之以助其津血而產即順矣

死胎門

一穩婆之女勤苦負重妊娠之後但覺腹中陰冷重墜口中氣出甚穢余意宜胎之必死診其脉不脫視其舌青黑此子死母活之證與朴硝半兩許服之隨下污水腐胎而漸安更勿用他藥矣

一婦胎死腹中服朴硝而下穢水神疲體疲氣奄奄脉亦軟甚用四君子湯為主佐以四物湯加姜桂而死胎即下更以八珍湯加姜桂調補其婦日漸安康矣

產後門

一家人婦胞衣不下胸腹脹痛手不可近脉滯沉瀯此瘀血入胞胞滿為患用溫酒下失笑散一劑惡露胞衣並下而安

一產婦胞衣不下腹無痛脹手接之滿腹和軟脉亦軟弱微瀯此氣虛不能推送其胞也用保生無憂散一劑而下惡露亦下而安

一婦產後面赤口乾五心煩熱其血敗瘀入胞故胞衣不下脉數滯瀯思但去其敗血則胞衣自下遂用黑豆炒透二合并燒紅鉄稱錘一枚同豆浮酒沖熱童便一杯調下益母丹二丸胞衣從血而出諸證悉平

血暈門

一家人婦產後小腹作痛急牙關緊急不省人事脉滯沉瀯此瘀血沖心灌以失笑散良久而甦又用四物湯換赤芍加琥珀炮姜而愈

一婦因產飲酒惡露甚多忽患血暈口出酒氣脉數浮瀯此血得酒熱而妄行致血虛而心神失養故亦發暈焉以四物湯加葛花一劑汗微出而瘥

一新昌徐氏婦。病產後暴死。但胸前微熱。奉化陸巖診之。脉象沉瀉。曰此血不行而悶絕也。於理尚可救治。今以紅花數十觔。大鍋煮之。候湯沸。以長桶盛之。將病者覆其上。湯氣微復熱。之有頃。婦人指動。半日遂甦。

惡露明

一婦產後惡露不通。服峻厲之藥。惡露雖下。久而昏憤。以手護其腹。薛診之。脉細而瀉。曰此心脾素虛。反傷血氣。而肌膚疼痛也。以人參理中湯加當歸肉桂數劑而安。

一婦產後月餘惡露不絕。面黃食少。體倦神疲。薛診之。脉大而瀉。曰此因勞得之。脾氣大虛。不能攝血歸經也。遂以補中益氣歸脾二湯俱加白芍炮姜數劑。而血止。再加地黃服一月。而諸證全安。

血崩門

一產婦血崩。小腹痛。服破氣行血之劑。其崩如泉。湯四肢不收。惡寒嘔吐。大便泄瀉。勢頻於危。脉瀉而細。此脾胃虛寒。不能攝血歸原也。余投六君湯加黑附炮姜白芍熟地四劑。稍減。又以十全大補湯黑附易肉桂加炮姜三十餘劑。而諸證悉痊。

一產婦因怒血崩。其血如潮。瀉至神氣昏沉。手足抽搐。脉數弦浮。按之不振。此肝經血耗生風。而不能藏血歸經也。余以六味地黃丸一劑。諸證稍減。但食少晡熱。又以四君湯加柴胡歸芍丹皮熟地數劑。而病悉全愈。

心痛門

一婦產後心痛。昏憤口噤。汗不止。手足厥逆。六脉弦細。勢甚危急。余以六君子湯加附子炮姜以回其陽。頓甦。又以十全大補湯加炮姜附子補其血氣而全安。

一婦產後心痛手不可近腹脉大滿滯此瘀血逼募投失笑散下血而愈次日復作又用前藥而安
一婦產後心痛用大黃等藥其血雖下復患頭痛而發熱惡寒次日昏憒自以兩手堅護其腹不得診脉
視其面色青白許以為脾氣虛寒而作痛也用六君子湯加姜桂而痛止又用八珍湯加姜桂而全安
腹痛門

一婦產後腹痛發熱氣口脉大許以為飲食傷脾不信乃破血補虛反加寒熱頭痛嘔吐涎沫又用降火
化痰理氣等藥遂至四肢厥逆泄瀉下墜始悔悟問余曰何也余曰此脾胃虛寒之變證也法當溫補
其中遂用六君子湯加炮姜肉桂木香四劑而諸證悉退再進補中益氣湯加姜桂數劑而元氣遂復
一婦產後腹痛後重下痢無度形體倦怠飲食不甘以懷抱久鬱并患衄唇寐而盜汗如雨竟夜不敢寐
神思消燦殆甚詳診脉數洪滿重按無神曰此氣血虛而濕熱淫溢也投當歸六黃湯連柏黃芩皆炒
黑一劑而盜汗止再劑而痛痢廖乃以歸脾二珍二湯兼服元氣得復而全安矣

一婦產後腹大痛覺臍下有塊脉滿數此血虛挾寒滯而成痼也故痛減則塊亦減小痛定時則塊亦
平復無痕百治不効一人教以羊肉四兩熟地二兩生姜二兩酒煎服汁十三次塊與痛全消盡釋而
安

一產婦產後小腹痛作痛服行氣破血之藥不効其脉洪數此瘀血內潰為膿也以瓜子仁湯二劑痛止更
以太乙膏下膿而全愈

一婦產後小腹痛小便不利用普濟仁湯二劑痛止更以四物湯加桃仁紅花下瘀血而愈大抵此證皆
因營衛不調兼瘀血停滯其脉洪數已有膿脉但數微有膿脉若遲緊乃仍瘀血可下之而愈

一婦產後小腹痛作痛有塊脉孔而滿此血虛挾瘀以四物湯加桃仁紅花延胡牛膝木香治之而安

一婦產後小腹痛甚手開緊神昏厥冷脉緊滿大此瘀血夾冷凝結而心失所榮神明失指也投以失笑散加姜桂煎湯一服而甦二劑而痛全愈厥亦回再以四物湯加炮姜肉桂白朮陳皮調理半月而康復如常

一婦產後小腹痛脉數滯滑此瘀血停滯勢欲成癰服三仁湯下之而安

一婦產後惡露下來以常較多醫以溫藥止之連腹痛牽引小腹難忍脉滯沉滿此血氣凝滯而不調也投以失笑散用木香枳殼煎湯三服而安

一婦產後腹中疝痛牽引小腹更寒熱不止脉虛滿弦浮此惡露已盡衝任受寒而營衛不調也投以歸建中湯四劑而寒熱減腹痛退小腹和又以八珍湯加姜棗調治半月而霍然矣

脇痛門

一產後因怒傷肝兩脇痛脹吐血甚多或惡寒發熱診脉軟虛弦此以為無氣兩虛寒氣逆用八珍湯加柴胡丹皮炮姜而血頓止痛脹亦減又以十全大補湯加炮姜而寒熱亦解調理半月而康健如常

腰痛門

一婦產後腰痛牽引腹脹善噎諸病皆嘔脉滿弦濡此以為脾虛血弱胃氣不化而濁陰寒濕腎家受制使然也用白朮三朮久製醇熟培脾為末每劑一兩米飲調下四劑痛減四十餘劑而霍然矣

頭痛門

一產婦患頭痛日用補中益氣湯不效已三年矣稍勞則惡寒而熱脉軟而滿此以為陽虛不能布護仍用前方加熟附子二錢三十劑而痛不再發

一婦產後頭面青口苦已二年矣日服四物等藥無效診之脉數虛弦微滿曰此腎水不足不能涵

養肝木而血虛生風也用六味丸加柴胡歸身五味子兩月餘而二年之患已全痊矣

一郭茂恂嫂金華居產七日不食始言頭痛頭痛已又心痛作既而又目睛痛如割如刺更作更止相去無瞬息間每頭痛甚欲取大石擊良久漸定心痛作則以十指抓臂血流滿掌痛定自復痛又以兩手自剎取之如是十日不已醫無計脉緩不虛此無他乃精聚轉攻經氣壅塞所以更迭作痛全用殺虫藥先進黑龍丹半粒疾少間中夜再進乃瞑目寢如平時至清晨下一行約三升許如蝗虫三三疾減半已刻又行如創畢而頓愈矣

遍身疼痛門

一婦產後身腹作痛發熱不食煩躁不寐盜汗脇痛服散祛血之藥不時昏憤六脉洪大重按如無此元氣大虛邪氣陷伏投補中益氣湯加炮姜半夏病勢頓退二三日又劑寢食甘美百背強而痛此邪雖外解血氣併虛又用八珍湯十全大補湯調理半月而康復如常

一產婦遍身頭項作痛惡寒拘急脉弦急此風寒傷營之證用五積散一劑汗出遍身而愈但倦怠發熱此外邪去而真氣內虛用八珍湯調理而安

一婦六月生產產後多汗倦怠不敢袒被故汗漬被褥冷冽浸漬得風濕疼痛脉細弦浮遂以羌活續斷湯數服而愈

腳氣門

一婦產後兩足疼痛直至腿膝脉細緊按此風濕襲經而邪搏於下也投獨活寄生湯加肉桂一劑而汗出病愈後因勞復作脉數軟弱此血氣大虛脾陽不能統運故汗出如水吐痰如湧也用十全大補湯培養氣血病勢漸減惟飲食日少肌肉日瘦脉數沉細此命門火衰脾土虛寒而吐痰肌削納化遲難

也用八味丸歸脾湯一月而病始全愈肌肉亦漸生矣

傷寒門

一婦新產後惡露路滯少寒熱不止飲食少進神志時昏脉軟細數此衝任兩虧寒邪傷之為血分傷寒投

三物建中湯合清血散二劑而寒熱頓解改用八珍湯去川芎甘草加姜桂三劑而全愈

三物建中湯見產後

一婦產後寒熱泄瀉惡露不行小腹脹脉細數此中氣大虛寒邪傷之而不能化血也投理中湯合

三物建中湯去當歸加荆芥澤蘭三劑而寒熱退惡露行小腹脹減泄瀉漸稀又以理中湯加熟地肉

桂數劑則泄瀉定腹痛除調理半月而健旺如常

中風門

一婦產後患中風手足不便諸治不效反加腹痛雷鳴自汗泄瀉四肢逆冷脉細弦滑此脾土虛寒而不

能制濕以名風也投六君子湯加姜附各五錢未應以參附各一兩乾姜炮黑五錢白朮五錢三劑始

應又以十全大補湯加姜附三十餘劑而始安手足亦漸漸輕捷矣

一婦新產後血崩發熱右手足不便脉數微弦此血虛中風而不能統血歸經以榮筋也投大秦芡湯屏

去風燥諸藥如虎骨鹿角霜三劑而血定熱退惟手足偏右軟癱不能舉動轉移猶喜飲食漸進神

志漸寧脉更軟數改用十全大補湯去川芎甘草加炮姜黑附虎骨膠鹿角膠三十餘劑而輕便如常

此吳雲昌長媳

產證門

一杜任治郝質子婦產四日忽患腹數脹弓背反張任診脉弦以為發產助大豆紫湯獨活湯而愈

取志一內室方分婢猶在聲中。故發聲斷足反提相去幾二三尺餘。家人驚駭以數婢強拗之。不產。通有獨活一味。急煎飲之。各層未至。連飲三次。遂能產。及醫至。乃即愈矣。

瘧疾門

一產婦因太勞。兩臂不能屈。服蘇合香丸。肢體痿軟。汗出如水。余以為前寒辛香耗散。身氣脹理虛。而津液妄泄也。脉虛軟。先用十全大補湯加五味子。補身。脹理收斂。身氣汗頓止。又以四君子湯調補。元氣更用逍遙散。大補湯調理。一月而康。

一產婦先胸乳痛。脹後因大怒。遂口喙吐痰。臂不能伸。小便遺出。診之左三部脉弦。余以為肝經血虛。風火相煽。而不能榮經絡也。先用逍遙散治之。則臂能屈伸。又以補肝散六味丸數劑。而諸證悉平。

一婦人發熱。遺尿自汗。面赤或青。飲食如故。肝脉弦。余曰。肝經血燥生風。而發熱也。以肝主小便。其色青。肝火炎則赤。筋絡失養則癱也。法當滋陰。血清肝火。遂用加味逍遙散。不數劑而諸證悉退。又以八珍湯加丹皮山梔調理。一月而全安。

一婦人產後血風。患癩癧。脉滿浮弦。此血分受風。而筋脉失養也。遂以小續命湯加減數劑而安。

拘攣門

一婦產後筋攣臂軟。肌肉瞶動。脉軟虛數。此氣血大虛。虛風內煽。而筋失所養也。用十全大補湯藥三十餘劑而安。

一婦產後手麻。服愈風丹。遍身皆麻。神思倦怠。脉軟弱滿。此陽氣虛而不能統運也。用十全大補湯加炮姜數劑。而麻漸退。虛漸回。改逍遙散加姜汁。又數劑而全安。

不語門

女科醫案

一婦產後不語脉數弦得軟滿此氣虧血滿故風邪而心氣閉塞神機不能鼓舞也用七珍散一服而能言三服如舊後因勞而不語內熱晡熱肢體倦怠飲食不進脉軟微數此心脾大虛挾熱而神機不能開發也用加味歸脾湯為主佐以七珍散而愈後復因怒不語口噤發搐腰脊反張或小便見血或面赤或青或黃脉數弦浮重按綿軟余以為心血大虛而不能化氣致見心肝脾三經之色用八珍湯加鈎藤茯神遠志四劑而漸能言又用加味歸脾湯百餘劑而病不再發矣

議語妄言門

一婦產後形體倦甚時發譫語妄言脉數虛滿此心氣虛而血不榮心也用柏子仁散稍減又用加味歸脾湯而愈又因暴怒脇痛狂言小便下血脉軟弦數此肝血虛而肝火旺肝熱則多言也用加味逍遙散以清肝大養肝血而愈又以加味歸脾湯三十餘劑全安

顛狂門

一婦產後時顛時狂或言或笑或怒或哭脉數弦洪此心氣虛而心火為之升降也先以茯神湯芩補其心顛狂之勢日以漸減又用八珍湯加遠志棗仁三十餘劑而全安

一婦產後亦患前症用安神化痰等藥病益甚反加神思困倦飲食不進余診之脉軟微滿此心脾血氣大虛而挾鬱也遂以參朮歸芪神棗仁遠志大劑與服計四劑餘而漸安又用歸脾湯五十餘劑而全愈

乍見鬼神門

一婦產後別無他病時若與人對語或驚叱或悲愁家人勸慰乃大聲曰鬼神滿室成隊成群曰不與我敬送之醫用調經散愈而復作仍用前藥聲言反朝寒暮熱痰涎上湧脉軟急疾重按無神余曰此血

氣大虛心失所養而神不守舍也故乍有所見名之曰乍見鬼神朝用八珍湯加棗仁遠志夕用加味歸脾湯加棗仁柏仁各五十餘劑而寒熱頓解痰涎亦化病不再發

驚悸明

一婦產後患驚悸惕然驚忪然悸且夜摩室醫用琥珀地黃丸局方妙香散隨効後因勞復作仍以
前二方服之其證蓋其反發熱惡寒診六脉洪大按之無神此血氣大虛胆失所依也用十全大補加
味歸脾二湯各百餘劑而安

恍惚明

一婦產後心神恍惚盜汗自汗發熱晡熱面色黃白四肢畏寒脉軟微數此血氣大虛神失所依而心脾
之陽不能上奉而外敷於內也用八珍湯不應更以十全大補加味歸脾二湯俱加棗仁五味服五十
餘劑方始克應後因勞怒發厥昏憤左目牽掣兩唇抽動小便自遺脉軟急疾以為肝火熾盛生風而
格擾神明失其主宰而昏厥也仍以十全大補湯加鈞藤山梔數服而病愈再用十全大補湯加辰砂
遠志丸服而病不復發

虛煩明

一婦產後心胸煩滿氣短不再脉數弦澀此心氣鬱而虛熱乘心也與竹葉湯三劑稍寧又以竹茹湯去
黃芩加歸身四劑再用加味道遙散及加味八珍湯各數服而全安

一婦素患薄弱產後去血過多心煩不寐余診之脉濡數細澀此血氣兩虛心神失養而虛煩也先以
人參當歸湯數劑稍寧又以逍遙歸脾二湯調治數月全安

發渴明

一婦產後發熱潮熱暮熱肚腹作痛以手按之不痛脉軟微數余以為氣血俱虛津液不能上奉也當以八珍之類治之彼不信余言反行逐血更加發熱煩燥脉更軟數余用當歸補血湯熱燥漸止更以八珍湯加麥冬五味補其血氣滋其津液而腹痛止渴亦頓解矣

一婦產後惡露不行上渴下瀉無少暈時脉軟弦浮此脾胃虛而津液不能上奉也與七味白朮散二劑泄瀉頓止又用八珍湯加糯米炒麥冬五味子三十餘劑而渴亦全解

一婦產後略聞聲嚮其汗如雨頃刻昏情諸藥到口即嘔脉軟沉細余以為脾土虛寒大不能生而衛氣不密也用參附末五味子濃汁細丸乾喻嘔汁仍以參附氏木熟地歸身五味數十劑而汗定身康矣
一婦產後盜汗不止神思困倦口乾引飲脉數虛滿余以為血虛有熱遂令以當歸補血湯代茶又以當歸六黃湯等連柏炒黑倍加人參五味子煎服四劑盜汗不復作渴亦頓解而身康矣

發熱門

一大尹俞君之內產後惡露已去發熱嘔熱便血吐血小便頻數而無盜汗潮熱時痛脹不止肚腹痞悶余以為諸藏虛損治當固本彼自恃知醫反用降火之劑更加瀉痢腸鳴嘔吐不食腹痛足冷始信余言診其脉或浮洪或沉細或如無其面或青黃或赤白此虛寒在內而外乃假熱時值仲夏當暑時從證先以六君子湯加炮姜肉桂數劑痛脹俱退痢亦遂愈更以十全大補湯加炮姜大棗三十餘劑而熱亦不復發矣

一儒者楊敬之內產後發熱瀉痢更兼吐痰或用溫補化痰不應面色蒼黑兩足浮大按之微細曰此命門火虛不能生脾土而虛陽外浮濕不受制也以八味丸補土之母而痰痢皆除熱亦不再發矣

一婦新產甫經三日惡露雖通血氣未定其朝早起感冒遂身熱目暗如中風狀脉數弦滿即以清魂散

加肉桂當歸一劑而得微汗三劑而身熱全瘳目亦不復暗矣

滑伯仁治一婦產後惡露不行頭疼寒熱臍腹悶痛藥皆以為感冒寒熱姜附溫之益大熱遂手足攣攣語藏目窈窕宛如中風狀滑診其脉沉弦洪數面赤唇焦口中喃喃不可辨舌黑如焰燥無津液胸腹不勝手按蓋以燥剝搏血血熱生風而無膏為痛也此熱入血室血結生風之候先以清熱降火涼血治風之藥兩服頗癒繼進琥珀牛黃等稍解人事後以張從政三和散行血破瘀三四劑惡露大下如初時產已十餘日矣於是諸證悉平

一婦經盛暑月中產三日惡露不行遂發熱狂言叫呼奔走掣捉不住脉大而疾此敗血冲心心氣不降而神明失指也以乾荷葉生地黃牡丹皮煎湯調下生蒲黃三錢一服即定惡症下而安

一婦產後身熱汗多時發昏昏眩暈口渴或時頭痛惡心醫用四物涼血病不減用小柴胡湯病益甚注石山診之脉浮搏指注曰產後而得是脉又且汗多而脉不為汗衰法在不治所幸者不喘不泄耳其脉如是蓋為涼血藥所搏激也遂以人參三錢黃耆三錢當歸身二錢炙甘草白朮炙各錢半炮姜一錢煎服五劑則脉飲汗收熱退而病漸安矣

王念慈室人產後因沐浴遂發熱嘔惡渴飲冷水微言妄語若狂蓋其體氣豐厚素不受補醫用清涼之劑則熱躁轉增注診六脉浮大洪數曰產後氣血暴虛孤陽外越內真陽而外假熱也宜大補氣血與八珍湯加炮姜一錢一劑而熱減大半病人自以素不受參不宜再服過一日大熱如大復與前劑潛加參耆炮姜三四劑而熱退身涼脉亦靜而病不再發矣

寒熱門

一婦產後惡露已行惡寒發熱不休脉象軟數重按無神此營衛大虛不能布護也用十全大補湯加炮

姜數劑而愈惟飲食不甘肢體倦怠用補中益氣湯加炮姜而漸安後又飲食後犯怒氣遂復惡寒發熱反抽搐咬牙難於候脈視其面色青中帶黃欲令按腹以手護之此必肝木侮脾土飲食停滯而清陽失斂百脈皆無血氣以滋榮也六君子湯加木香鈎藤一劑而減四劑而全安

一婦產後惡露已行發熱不止脈數虛軟此血氣虛而陽欲外亡也余欲用八珍湯加炮姜治之其家自恃知醫以為風寒未解欲用小柴胡湯余曰寒熱不齊乃氣血虛乏不能外衛之象不信仍服一劑汗出不止譫語不絕煩熱作渴肢體抽搐始信余治乃改用十全大補湯加炮姜不應脈洪大重按全無此因虛極生寒乃內真寒而外假熱也仍以前方加附子四劑稍緩二十餘劑全安

吳菱山治一婦人產後去血過多食後吞酸頭疼身痛寒熱如瘧左手弦大微有寒邪右手弦滑不勻乃飲食挾痰火也二者皆因虛而得宜養正祛邪遂以茯苓補心湯去地黃加羌活黃芩皮芎藭三服汗出身涼其患漸瘳然後以八物湯調理半月後始全愈

一婦產後惡露未盡瘀血入絡又感寒邪身皮寒熱如瘧脈浮緊細弦滿與生科五積散五帖惡露下而寒熱諸證悉瘳

一婦產後惡露未盡因早離床沐浴寒濕之氣客於經絡乍寒乍熱不已脈象細軟滿此寒濕其經不能運行血氣而托出外邪也今與生科五積散三劑惡露下而寒熱亦解

一少婦初產甫經四日冷物傷於脾胃但覺身中不快心腹滿悶或嘔逆食少或腹脇刺痛晨惡寒晚發熱深夜則恍惚瀝語當晝則抽搐類變異多端諸醫莫測或作虛風或云血熱用溫熱行血而後効以寒涼退熱而病增如此半月卒無定見汪石山診其脈弦而緊遂令按小腹急痛知瘀血未盡也思此症惡露厚通未必血瘀腹中但因寒涼所傷血氣停滯下焦日久遏抑溢於經絡所以變生諸證須

得大調經散倍入琥珀化諸惡血成水其重方愈遂令前藥服之五日後行惡水斗許其不可止患人覺後病勢漸減然後以人參養營湯數十劑月餘如初

瘧疾明

一婦產後患瘧發熱作渴胸膈脹滿身作痛三日不食嘔酸噯氣脉弦帶濡此飲食所傷脾胃不能消化也用六君湯加神麴山查四劑而不作酸脉之濡濡已覺流利乃去神麴山查又數劑而飲食漸進其大便不通至三十五日計飲食七十餘碗腹始悶令用猪胆汁導而通之其重且不甚燥瘧乃愈

一婦產後患瘧久不愈苦楚萬狀百疾蜂起或頭痛或腰痛或身皮或嘔惡其脉或洪大或微細或弦緊或沉伏此寒熱交爭而正氣不勝邪不受制也遂以六君湯加炮姜二十餘劑脉證始定又用人參未前膏佐歸脾湯百餘劑而始瘥

一婦產後朝寒暮熱或不時寒熱久不愈脉弦遲疾不調此正氣內虛不能勝邪而外却也用六君子湯補中益氣湯相間煎服各三十餘劑而始瘥

尊勞明

汪石山治一婦人產未滿月因暴怒血流如水三日方止隨又勞苦四肢無力日晡潮熱睡中汗出口乾五心如炙諸醫皆用藥今薄荷之類其熱愈熾其脉弦大無力此尊勞也以四物湯料二兩入胡黃連秦艽黃芩各五錢煎數服熱退身涼後以胡黃連入珍湯料丸服而全愈

痞悶明

一婦產後食用素積滯痞悶腹滿大便欲去服消導之劑不應飲食日減肌體日瘦已半年矣脉軟沉滯許以為食積久停令用大酒麴炒為末溫酒調二錢服頓腹鳴良久仍下棕而愈

一婦產後食魚肝腹痛患痢脉弦微瀼此魚為水中之味肝為魚肉之滓惟能助濕傷脾滑利腸胃所以諸藥不能克應今以陳皮白朮等分生研為末茉莉花濃汁調下三錢數服而痛痢全瘳

腹脹門

一婦產後患腹脹或以為瘀血用抵當湯破血果下脹急益甚脉數軟瀼此脾氣虛而清陽下陷脉絡不能宣通而瘀血未盡也朝用補中益氣湯夕用六君子湯俱加炮姜仍下瘀血而後安

一婦產後惡露瀼少遂致大腹脹悶嘔吐不定脉數濡弦瀼滯此氣虧不能化血而濕伏於中也與抵湯三錢而血水大下腹脹頓退後以六君子湯數劑嘔吐不復再作矣

浮腫門

一婦產後飲食少思服消導之劑四肢浮腫飲食益不能進脉軟微瀼余以為中氣不足清陽陷而濁陰不化也遂朝用補中益氣湯夕用六君子湯各數劑腫退食進而愈後因怒腹脹設服沉香化氣丸吐瀉不止飲食不進而小便不利肚腹四肢復腫乃以金匱腎氣丸加減調治三十餘劑而諸證悉平

一婦產後泄瀉面目四肢浮腫喘促惡寒脉數浮軟余以為脾肺虛寒不能輸化濁陰而氣陷也先以六君湯加炮姜而泄瀉定後以補中益氣湯加炮姜五味則喘腫諸證悉平矣

一婦產後四肢浮腫寒熱往來氣喘欬嗽胸膈不利嘔吐酸水兩脇疼痛脉弦浮瀼此火肝氣受邪邪逆而氣不得下降也遂用覆花湯微汗而解後用小調經散以澤蘭煎湯調下則喘腫諸證悉平矣

積聚門

一產婦腹中似有一塊或時作痛而轉動按之不動面色痿黃痛甚則皎白脉浮而瀼余以為肝氣虛而血弱不能營運也不信乃服破血行氣藥痛益甚轉動無常又認以為血瘀更用破血藥遂之藥痛攻

而脇肚腹尤甚。蓋血信為血。鬱確服下血等藥。去血過多。形氣愈虛。肢節間各結小核。隱於肉裡。以為鬱子。畏藥而走。散於外。余曰。肝藏血而養諸筋。此肝血復損。則筋失所養。而筋攣也。蓋肢節胸項皆屬肝。胆部交當養其脾土。補其肺金。以滋肝血。則筋自不攣。核自消散。而痛無不解。始任余用八珍湯逍遙散歸脾湯。三方迭治。各數服。而核消痛漸安矣。

一婦產後兩肋腫脹。小便瀉滯。腹中有塊作痛。或上冲脇腹。或下攻小腹。發熱惡寒。肌肉消瘦。飲食無味。脈軟而濡。久而不愈。余以為肝脾虧損。不能營運血氣也。遂以逍遙散八珍湯歸脾湯。隨證發。遂接各三十餘劑。而諸證悉平矣。

霍亂門

一婦產後傳食霍亂。用藿香正氣散已愈。以後胸悶膨脹。飲食稍避。非嘔吐即泄瀉。脈數虛弱。余以為脾胃兩虛。土不制濕也。用六君子湯加木香益智治之。漸愈。後因飲食不調。更兼恙怒。又患霍亂。胸腹大痛。手足逆冷。用附子散。又用八味丸補脾土之母。而痛不復發。

一婦產後吐瀉作酸。面目浮腫。脈象弦虛。重取細澀。此脾胃虛寒。而肝鬱乘脾也。遂以六君子湯加炮姜越鞠丸。而作酸退。又以補中益氣湯加半夏茯苓。而吐瀉止。脾胃康復如常矣。

嘔吐門

一婦產後朝吐。夜發熱。晝夜無寐。或用清痰降火。飲食日少。肌肉日瘦。余診脈數虛弦。曰。朝間吐痰。脾氣虛也。晝夜無寐。心脾血耗。而肝火內擾也。遂用六君子湯加味道遙散。加味湯加味歸脾湯。以次調理。而諸證悉痊。

嘔逆門

一婦產後惡露不盡三日後水穀入口即發呃二三劑醫用丁香柿蒂湯不應反加昏憒口中喃喃呃發則極口抬肩危迫殆甚薛氏診之脉洪滿動曰此難產受驚心氣不下胃氣上逆瘀血阻而升降失調也其夫應之曰然三日不產分娩後即便如此遂以失笑散熱重便調下三錢一劑而甦醒再劑而呃減三劑而呃定惡露亦下而霍然也

一婦產後惡露已行身熱不解偶飲涼茶一二口即發呃不止薛氏診脉急疾重按堅滿不調曰此外有陽和內傷冷飲遂以清魂散摩入丁香肉桂各五分一劑熱退再劑而呃定霍然脉亦和緩矣
呃嗽門

一婦產後一月有餘小腹作痛呃嗽食少微惡潮熱增寒脉滿弦數此衝任受寒血滯而上干肺絡也日久失治乃勞怯之根投以新製溫經飲三劑而稍涼調治半月而全瘳

新製溫經飲肉桂杏仁
仁丹參黑荆芥茯苓斷續

一婦產後呃嗽疾鳴時有寒熱脉數弦浮此外感風寒留戀肺絡也投以旋覆花湯三劑而呃嗽稍減調治半月而全安

喘急門

一婦產後喘急自汗手足俱冷常以兩手護其臍腹脉細沉軟此真火衰弱虛陽欲脫也投參附湯四劑而安後加熟地黃耆白朮當歸元服而喘不復發

浦江吳輝妻孕八個月分娩因二日後洗浴即氣喘坐不得臥五日後身熱惡風得煖稍緩兩關脉動尺寸皆虛百藥不効余以丹皮桃仁桂枝茯苓乾姜枳實厚朴桑皮蘇葉五味婁仁三服得臥其疾如失蓋作汚血感寒治之也

鼻衄門

一婦產後血逆上行鼻衄心躁舌黑口乾脉數沉瀯此惡露不下瘀血上升也遂以益母丸二圓童便化下鼻衄漸止惡露漸下而安

一婦產後血逆已十三日惡露已行鼻衄不止脉數弦浮此去血過多陰不維陽而虛陽上迫動血而下溢也遂以四物湯沖熱童便一服頓止再服全安

泄瀉門

一婦產後泄瀉發熱作渴吐痰甚多肌體消瘦飲食少與或胸膈痞滿或小腹重墜已年餘矣脉濡弦滑余以為脾胃虛弱不能制濕而關門不固也朝用二神丸夕用六君子湯各數劑而諸證全安

一婦產後泄瀉嘔吐吞酸面目浮腫已數月矣脉虛浮弦此乃脾氣虛寒火不生土而不能制濕也先用六君子湯加炮姜附子佐以越鞠丸而吞酸愈腫嘔除又用補中益氣湯加附子茯苓而泄瀉止脾胃健飲食漸進而身體康復如常

一產婦泄瀉年餘形體骨立潮熱晡熱自汗盜汗口舌糜爛日吐痰二三碗脉數洪大重按全無此命門火衰脾土虛寒而假熱發露也吐痰者乃脾土虛寒而不能運化津液也遂用八味丸補火生土又用補中益氣湯兼補肺金而脾胃健泄瀉止痰亦不吐矣

汪石山治一婦產後滑泄瀉水粒米入口即瀉出片刻勿容如此半月餘衆皆危之或用五苓散平胃散益甚汪診之脉皆濡緩而弱曰此產中努力以傷其脾脾傷則胃亦不能納化濕得姜行而滑泄也若用湯藥徒滋其濕令以參朮白朮散去砂仁加肉果補骨脂姜棗湯調服旬餘而瀉定身康矣

痢疾門

一婦產後食雞子腹中作痛面色萎黃服平胃二陳便下痢腹脹服流氣飲子又小腹有一塊不時上攻

飲食少進脉緩虛弦此脾胃虛寒肝木剋侮脾土而氣陷結積也用補中益氣湯加木香姜茶漸減又以八珍大補二湯俱加炮姜木香調理一月痢止脹退而康

一婦產後痢未至月滿即食冷物及酒冷熱相搏而血攻擊滯下純血纏綿極痛診其脉大無力此濕熱傷血蘊蓄腸胃也用黃芩芍藥湯三服而漸安

一婦產後腹痛後重下痢無度形體倦怠飲食不進與余為隣余診脉細軟弱曰此脾胃俱虛大不生土也用四神丸十全大補湯尋愈但飲食不化肢體倦怠又用補中益氣湯加炮姜而安

一產婦五月患痢日夜無度小腹痛墜發熱不惡寒用六君子湯送香連丸二服痢漸稀痛漸減又以前湯四神丸四服全愈此乃濕熱傷脾之痢也

大便不通明

一婦產後大便不通已七日矣飲食如常腹中如故脉軟微滿此血氣虛而不能濡潤宣通也故飲食不減腹無脹滿用八珍湯加桃仁杏仁至二十一日覺腹滿欲去用猪胆汁導之先去乾結燥糞五六枚後皆常糞而愈

一婦產後大便不通已經八日或用通利之藥中脘痛脹不思飲食又云通則不痛痛則不通乃用蜜煎導之大便不禁呃逆不食余診脉軟微弦此脾胃虛而初不傳達復受藥傷所以不能其固也呃逆不食當胃氣垂危勢甚危迫遂以六君湯加吳茱肉果補骨脂五味子數劑病幸獲効而身漸康

一婦產後大便秘結小腹痛脹用大黃等藥吐瀉不食腹痛胸痞脉虛弦細此脾胃虛寒關門失啟閉之職余用六君子湯加黑附炮姜木香肉果治之而愈

一婦產後大便秘澀諸藥不應苦不可言診其脉濡口燥此血枯津涸人乳而安

小便不通門

一婦產後小便不通。諸藥不應。脉數沉澁。此衝任血虛。氣燥。膀胱不能施化。而水竭焉。今以梨汁和人乳各一杯。日夕兼進。而溺漸通。口亦不燥矣。

遺尿門

一產婦素脾泄。產後飲食少思。五更必遺。晝夜不自覺。倦怠無力。六脉軟弱。此中氣虛寒。脾胃不足。而腸胃滑脫也。今以補中益氣湯送四神丸。半月而霍然。

淋瀝門

一婦產後小水淋瀝。或時或出。服分利降火之劑不効。已二年矣。脉軟微數。此肺腎虛。多氣不施化也。今朝服補中益氣湯。加重前子。暮用六味地黄丸。加麥冬五味。各數劑。而日漸痊安矣。

小便頻數門

一婦產後小便頻數。時覺寒戰。脉軟微數。此脾肺俱虛。膀胱不能化氣也。遂以補中益氣湯。加山茱山藥。佐以桑螵蛸散。而愈。後患發熱。晡熱盜汗。目汗。月經不調。服加味道遙散而安。

一婦產後小便頻數。始而吐痰發熱。繼而日晡潮熱。脉軟虛數。此膀胱陰虛。陽不施化。故水府蓄泄不靈。遂用補中益氣湯。朝暮兼服。而日漸痊安。再用六味地黄湯同服。

小便不禁門

一婦產後小便不禁。二年不愈。面色青赤或黃白。此肝脾兩虛。血熱而迫水府也。脉虛數沉。遂用加味道遙散。佐以六味地黄丸。而愈。後因暴怒。小便復遺。大便不寔。左目瞤小。面色頰赤。脉弦濡數。仍用加味道遙散。佐以六君子湯。俱加桑螵蛸覆盆子。以清肝火。生肝血。培脾土。安水府。而日漸痊安。病不再發。

小便出血門

一婦產後面黃尿血脇脹少食脉數虛症此肝大乘脾迫血而偏滲也用加味道遙散補中益氣湯兼服而血定脹平矣後為抱不樂食少體倦驚悸無寐而尿血仍作用加味歸脾湯二十餘劑將愈感不寐說服犀角地黄湯諸證復作仍服前藥四十餘劑而始得全安大便出血門

一產後重後下血飲食少思肢體倦怠諸藥不應脉軟微數此中氣虛弱不能攝血歸經也投補中益氣湯加吳茱炒黃連四劑頓止用歸脾湯調理而全安

一婦產後怒則必便血且寒熱口苦胸脇痛脹或小腹痛悶脉數弦濡此肝大乘脾而不能攝血也投六君子湯加山梔柴胡而愈又用加味道遙散補中益氣湯而血不復下矣

一產婦重後下血脉軟遲瀯此脾胃虛寒不能攝血歸原也投以補中益氣湯加白芍炮姜漸愈又加炒黑附子數劑而始痊

一產婦大便下血口乾飲水胸脇膨脹小腹重墜脉數弦虛瀯瀯此肝脾血虛肝陽侮土而不能攝血也投以逍遙散合左金丸稍減又以六君子湯合補中益氣湯數十劑而全愈

一產婦勞後復怒怒大便下血身熱時煩夜間譫語脉數弦瀯此肝脾素虧怒則火逆而熱入血室也投以小柴胡湯加白芍生地二劑而熱退神清血亦頓減又用加味道遙補中益氣歸脾三湯一月而血定全安矣

陰尸下脫門

一婦年三十餘生女二日後產尸下一物如手帕下有帕尖約重一觔于思之此因勞乏傷氣以致腎虛

肝虛不能約束胞門而陰戶下脫也。即喜血不甚虛，但因時春暮天寒，恐其冷乾損壞，急與參茸三錢、人參二錢、白朮一錢、當歸二錢、升麻五分、三帖連服之，即收上。得子過體乃安。惟下惡，常服乾者落一斤，約重二三觔許。蓋脂膜也，食進得眠，診其脈滿，左略弦，視其形，却與白朮芍藥各錢半、陳皮一錢、生薑一片煎二三帖養之而全安。

一婦產子後陰戶中下一物，如合盆狀，有二歧，其夫來求治。余思之，此必子宮也。乃氣血虛弱而下墜於外者，用苦者升麻大劑一帖與之。半日後，其夫復來曰：服二次後，覺嚮一聲，視之已收。因經宿乾着席上，破落一片如掌心大。其妻在家哭泣，恐傷破不可復生。子思之，此非腸胃乃脂膜也。肌肉破尚可復完，遂用四物湯加人參數劑，丸服一料而復能生子。

一產婦子宮下墜，脈軟虛滿。此氣虛不能收攝而下陷也。遂與黃耆三錢、人參錢半、當歸二錢、升麻五分、炙甘草八分，作一帖服。卻令用五倍子末煎湯洗，又以末敷之。如此數次即安。

一產婦數日後水道中出肉線一條長三四尺，動之則痛，欲絕。脈象不虛，先服失笑散以帶皮姜二觔研爛入香油二觔煎油乾為度。用絕兜起肉線，屈曲於水道邊，以前姜薑之。冷則熨之。六日後縮其大半。二六日即盡。再服失笑散參湯下，或歸調理之。此血實氣虧，不能收攝子宮脂膜而下肉線也。如肉線斷則不可治矣。

一產婦子宮腫大，墜出二日，方收。損落一片，殊類猪肝。面黃體瘦，飲食無味，內熱晡熱，自汗盜汗，脈軟虛滿。此血氣大虛，真陽不能收攝也。與十全大補湯去肉桂加附子，既耳春冬五味三十餘劑，諸證悉愈，仍復生育。

前陰腫痛門

一婦產後前陰腫痛右腳難伸缺虛致數此脾胃虛弱肝火而濕熱下注也。要加味道遙散加杏仁車前子四劑頓平。仍服道遙散補中益氣湯各二十餘劑而全安。

一婦產後玉門腫痛寒熱作渴嘔吐不食。外敷大黃等藥。內服驅利之劑。遂致腫及於腎。諸證蜂起。脉軟虛弦。此真氣弱而濕氣溢於經隧也。先用六君子湯健運脾胃。次用補中益氣湯升舉清陽。不數劑而腫痛如失。寒熱亦解。不復嘔吐矣。

一婦產後玉門腫痛。失治潰腐。形體消瘦。飲食少思。朝寒暮熱。自汗盜汗。已半年矣。脉軟虛濡。此氣血大虧。而濕漬於下也。遂以補中益氣湯加茯苓半夏數劑。而濃水漸少。飲食亦漸進。又用歸脾湯五十餘劑而全愈。

產戶不開門

一婦產後玉門不開。飲食少思。脉軟虛濡。此血氣大虛。而真陽衰耗。失其啟閉之權也。遂用十全大補湯加附子炙肉三十餘劑。而玉門自收。九服而如舊矣。

一婦產後玉門不開。發熱惡寒。脉軟虛細。此氣血虛寒。真陽不足。而榮衛不能布護也。與補中益氣湯十全大補二湯俱加附子炮姜。迭治而寒熱退。更加五味山萸三十餘劑。而玉門無恙矣。

一婦產後玉門不開。小便淋瀝。腹內有一塊。攻走腸下。或脹或痛。脉數弦虛微濡。此肝脾虛弱。怒火逆滿。而濕熱下注以結塊也。與加味道遙散加車前子數劑。而小便利。更以前方去山萸加川棟子小茴香。又數劑。而諸證悉退。玉門亦永久無恙矣。

乳汁不行門

一婦產後乳少服導通之。乳房腫脹發熱作渴。而乳汁絕不能行。脉虛微數。此血氣虛而不能行。上為乳

Last page
200 B.

竅壅閉不通也。與玉露散加蓮房荷梗補而通之。又用八珍歸脾一湯各三十餘劑而乳汁湧出不膿。乳腫亦即霍然矣。

乳汁自出明

一婦產後勞役太過。乳汁湧出。昏昧吐涎。脈數急。數此血氣大虛。而因勞奔迫以發厥也。灌以獨參湯而神漸甦。更以十全大補湯數劑而乳汁收。神志清。涎亦不復再吐矣。若婦人血氣方盛。乳房作脹。或無兒哺。痛脹發熱。憎寒。用炒麥芽二三兩水煎服即消。此即斷乳法。如胎前乳汁先出。謂之乳粒。生子多不育。當大補之。

leaf 100
100

此書乃大德皇帝御製

聖訓凡我臣民當共讀之


聖訓乃我皇上聖訓也

聖訓乃我皇上聖訓也

聖訓乃我皇上聖訓也

聖訓乃我皇上聖訓也

聖訓乃我皇上聖訓也



H87378h

1907

v. 16